

20
22
EXERCITATIO THEOLOGICA

* DE C

521
**PACTIS
HOMINVM
CVM DIABOLO**

CIRCA ABDITOS IN TERRA THESAVROS EFFODIENDOS ET
ACQVIRENDOS, AD CASVM ILLVM TRAGICVM, QVI AN-
NO PRIORI EXEVNTE IN VIGILIIS FESTI NATIVITATIS
CHRISTI IN AGRO IENENSI CONTIGIT, INSTITVTA,

QVAM,

DEO CLEMENTER ANNVENTE,

RECTORE MAGNIFICENTISSIMO

SERENISSIMO PRINCIPE AC DOMINO

DN. GVILIELMO HENRICO,

DVCE SAXONIAE, IVLIACI, CLIVIAE, MONTIVM, AN-
GARIAE, VVESTPHALIAE, ET RELIQA,

MODERATORE

VIRO MAGNIFICO AC SVMME VENERABILI

DN. MICHAELE FOERTSCHIO,

SS. THEOL. D. ET PROFESSORE IN HAC SALANA PRIMARIO, OR-
DINIS ITEM THEOL. SENIORE ET h.t. DECANO MAXIME SPECTABILI,
ACADEMIAEQVE PRO-RECTORE IAM DESIGNATO,

MAECENATE AC STVDIORVM SVORVM AMPLIFICATORE,

MAIORI ADHVC, QVAM QVAE FILIO CONGRVIT, PIETATE

AD CINERES VSQVE COLENDO,

AD D. IV. IVLII MDCCXVI.

PLACIDO ERVDITORVM EXAMINI

SVBICIT

AVCTOR ET RESPONDENS

IOANNES ANDREAS RINNEBERG,

NORTHVSANVS.

IENAE, APVD WERTHERVM.

EXERCITATIO

PACIFIC

H O M I N I M

CIVIL

THESE THINGS ARE TO BE DONE
IN THE NAME OF THE LORD
AND IN THE NAME OF THE LORD
AND IN THE NAME OF THE LORD

DO NOT

THESE THINGS ARE TO BE DONE

DO NOT

THESE THINGS ARE TO BE DONE

DO NOT

THESE THINGS ARE TO BE DONE

DO NOT

CONSPECTVS DISSERTATIONIS:

§. I.

Ratio instituti proponitur & defenditur.

- §. II. *Indoles argumenti in genere & fontes, unde tractatio petenda sit? considerantur.*
- §. III. *Inscriptio s. titulus explicatur.*
- §. IV. *Dari pacta cum Diabolo asseritur, cum remissione ad scriptores varios eorumque adversarios.*
- §. V. *Transitus fit ad institutum, ubi in casu nostro thesauripetarum propositum a Spiritibus apem petendi examinatur atque dispicitur: Num Spiritus boni sensibili modo cum hominibus agant, & cum iis conversentur? Id quod affirmatur, & olim saepe factum esse ostenditur.*
- §. VI. *Adbuc nostra aetate Angelos bonos sensibili modo versari inter homines, & effectus sensibiles subinde edere singulari DEI provisu, conceditur.*
- §. VII. *Non tamen a DEO expeti posse ad detegendos thesauros, evincitur.*
- §. VIII. *Applicatio ad casum nostrum, ubi quaeritur: an thesauripetae auxilium a DEO & bonis Angelis petierint? Ubi primo rationes affirmantes afferuntur.*
- §. IX. *Respondetur ad illas rationes, & thesauripetarum detestabile consilium ex ipsis circumstantiis ostenditur.*
- §. X. *Alia fundamenta adversus thesaurarios suppeditantur.*
- §. XI. *Adbuc alia adduntur.*
- §. XII. *Dubium de Daemoniis terrenis, in specie de virunculis metallicis, solvitur.*
- §. XIII. *Septimum fundamentum contra thesauripetas*

- exponitur, ubi de Clavibus Salomonis & Faustii Hellenzwang quaedam subjiciuntur.
- §. XIV. Octavum sequitur, ubi de sigillis & characteribus quaedam occurrunt.
- §. XV. Exceptionibus occurritur, ubi de astrorum influxu in characteres & signaturas tractatur.
- §. XVI. De eodem argumento pluribus agitur.
- §. XVII. Num thesauripetae pactum cum maligno genio inierint? disquiritur, & in affirmativam sententiam pronuntiatur.
- §. XIX. Eadem ex sanctorum principum amplius deducitur.
- §. XIX. Pacta diabolica distinguuntur in expressa s. aperta vel directas, & in oblique, vel implicitas. porro explicita subdividuntur cum addito iudicio: ubi simul disquiritur: ad quod genus thesauriorum factum referri possit?
- §. XX. Quaestio movetur: An thesauripetae pactum naturale implicitum inierint?
- §. XXI. Implicitum quid sit? exponitur: ubi distinctio in ignorantiam vincibilem & celebre exemplum ignorantiae invincibilis adhibetur, vincibilique ad casum praesentem applicata, asseritur, reos esse thesaurarios pacti impliciti voluntarii, & intendisse pacta expressa.
- §. XXII. An magiae rei sint? disquiritur: ubi de voce magiae, ejusque usu vario differitur.
- §. XXIII. Quo sensu magi non sint? explicatur.
- §. XXIV. Quaestio finalis pertractatur: An mors thesauripetarum Daemoni potius, quam causis mere naturalibus tribuenda sit? ubi quidem asseritur, causas naturales in censum hic venire.
- §. XXV. Diabolum tamen ad tristem hunc eventum concurrisse, demonstratur I. ex ipsa negotii natura II. evocatione Daemonis, & spectri comparitione & habitu.
- §. XXVI. III. Ex consuetudine Sacrodaemonis, qui plures in simili negotio trucidavit. IV. ex proposito decipiendi, & specioso praetextu de non servato pacto, si nempe rituum contextus non accurate sit observatus.
- §. XXVII. Usus tractationis theologiae cum pio voto annectitur.
- §. I. Mira-



§. I.



Nirari quis possit, cur Argumen-
tum hoc *de Pactis hominum*
cum infernali genio s. Diabolo
meditandum sumpserimus ;
cum & tritum satis tracta-
tumque sit a pluribus, & Viri;

Ratio insti-
tuti propo-
nitur & de-
fenditur.

tam autoritate, quam eruditione præstantes, rem
fabulosam declaraverint, nugisque anilibus an-
numerare ausi fuerint: & denique ejuscemodi
materiæ, curiosæ magis, quam utiles, nec facile
solidam & immotam demonstrationem admis-
suræ, rectius silentio premi, videri queant, quam
ut incertis duntaxat & verosimilibus ratiunculis
momenta causæ implicentur & obscurentur ;
cum præsertim anceps & dubium sit judicium de
experientia, quò provocatur in hoc genere, &
ipsa acta publica, ad quæ tamen præcipuus ner-

vus demonstrandi propellitur, sublestæ fidei ar-
 guantur a Viris doctis, & magno sæpe cum affe-
 ctu percenseantur. Enimvero nova nunc &
 deploranda satis occasio nobis est subnata è nu-
 pero casu tragico, se prodente in temerariis qui-
 busdam hominibus, qui, ad comparandos Spi-
 rituum ope abditos in terra thesauros, se socia-
 verant: ubi quædam è circumstantiis Historiæ
 tristis colligere & veritatem illustrare, quantum
 in hoc genere fieri potest, fas erit. Neque vero
 de *Pactis* illis in genere agere animus est, sed *in*
ordine ad thesauros comparandos. Arduum sane
negotium! in quo non tam de vita & existimatione
hominis agitur, quibus tamen rebus in orbe terra-
rum nihil est pretiosius, ut ait *Godelmannus*,
 Ictus, (a) quam de eo dispicitur, si recte loqui
 velimus, quo nihil scædus ac damnosius in crea-
 tura rationali excogitari potest, Fœdere nempe
 cum hoste Dei & hominum infensissimo & po-
 tentissimo in propriam perniciem & certissimum
 interitum, a quo cum merito homo, Dei servus
 per naturam, nedum Christianus, omni modo
 abhorreere debeat, non sine fructu res altius per-
 penditur, ut eo magis a fraudibus Satanæ fideles
 Dei servi sibi cavere possint, & alii in ejus retia
 lapsi

(a) in Tr, de *Magis, Veneficis* &c. præfat. Libro I. præmissa.

lapsi revocari. Neque vero detertere nos debet a proposito, quod alii jam brevibus commentationibus Casum tragicum illustrare cœperint: nam & nostrum adjecisse Theologicum judicium non pigebit, & in ceteris ita scopum tenebimus tramitemque nostrum, ut haud difficulter pateat, nihil affectui aut præjudiciis nos dedisse, sed unice veritati studuisse, & ad ædificationem respexisse.

§. II.

Hinc primum in genere de indole argumenti & fontibus tractationis præmonendum: Esse illud ex eo genere, quod *a posteriore*, (*da man von unten aufwärts steigt*) ut loquuntur, probari potest & debet, nimirum ab effectis & admirandis eventibus, qui hinc inde perspicuis exemplis se produnt, è quibus ad aliquam communionem, confœderationem & conventionem hominum cum malis geniis tum in genere, tum in specie ad thesauros detegendos recte concluditur. Cunctas enim relationes de iis, quæ ipsis sensibus non usurpantur, vel etiam sensibus objecta, pronugis tamen vel imaginationibus declarare, stupidi magis est, quam sapientis animi. Ingeniosissimus Vir, *Henricus Morus* (b) bene notavit

Indoles argumenti in genere & fontes, unde tractatio petenda, considerandi.

(b) in *Antidoto contra Atheismum* Lib. III.

characteres aliquos, e quibus *relatio fide digna* dijudicari queat: veluti si *primo* virum honestum, nec lucri cupidum, autorem habeat: si *secundo* plures rem ipsam, quæ facta dicitur, inspexerint & præsentibus fuerint: si *tertio* realis effectus, sensibus obuius, se prodiderit in historia, quæ narratur: quanquam non omnem statim veritatem denegat iis, quæ destituuntur hisce notis. Recte sane B. Dn. de Seckendorff: (c) Wenn ein Brief vorgelegt/ der vor viel hundert Jahren in Kaysers/ Königs/ Fürsten/ Bischoffs oder dergleichen Person unterschrieben/ und sonst kein Verdacht einer Falschheit sich dabey veroffenbahret / so wird niemand so unbescheiden seyn/ und ein solch document und Urkundt verwerffen/ dieweil er nicht selbst gesehen/ oder dabey gewesen/ wie der Brief geschrieben worden/ noch denjenigen gesehen und erkennt/ der ihn unterschrieben. Wo kommt denn die wunder seltsame Verhärtung her/ daß man ehrlichen/ ungescholtenen/ und im Verstand und Nachdencken den Atheisten nichts nachgebenden Leuten keinen Glauben bemessen will/ wenn sie auch aus eigener Erfahrung bezeugen/ daß sie Geister in gewisser angenommenen Gestalt gesehen/ oder doch solche Wirkungen wahrgenommen/ welche unsichtbarer Weise/ und also von Geistern verrichtet worden? Unzählige Acten liegen hin und wieder in Archiven und Gerichts-Stuben von der Zauberey/ und zwar einer solchen/ die

(c) Im Christen-Staat p. 44.

die nicht in bloßer Erzählung oder Bekänntniß der Gefangenen bestanden/ sondern deren effect von andern Leuten gesehen worden. Ejuscemodi testimoniis & documentis fidem prorsus denegare, est scepticismum cum Atheismo plenis velis introducere. Sed nec sacra Scriptura nobis hic deest: cujus haud paucis testimoniis constat, existere malos genios s. Diabolos, eosq; certas operationes exserere vel immediate, vel mediate per instrumenta sua, sagas, lamias, incantatores &c. vel vere, vel præstigiatorie, ubi pacta plerumque intercedunt vel *explicita* vel *implicita*: immo satis clara indicia suppeditat pactorum, etiam ad comparandas divitias & thesauros. Quæ omnia ad præcepta domesticæ hypotheseos, corruptæque rationis decempedam|detorquere velle, non nisi malitiosi, & a veritate abhorrentis est animi.

§. III.

Ad fundamenta considerationis hujus pertinet: notasse præcipue terminorum significatum: Nam cum inscribimus: *De Pactis hominum cum Diabolo*, per se patet: Pactum h. l. non aliter accipi, quam eo sensu, quo homines de pactis & conventionibus loquuntur, alioquin ne quidem determinatum conceptum de iis formare

Explicatio
inscriptio-
nis s. tituli.

mare possemus. *Est autem pactum* s. conventio in genere, communi hominum, præcipue Doctorum Juris consensu, *duorum vel plurium voluntaria consensio s. conspiratio in idem placitum.* (d) Quæ definitio, si specialiter ad pacta cum Diabolis accommodetur, ita instituenda & determinanda est, ut ad diversos modos, sub illa contentos, applicari possit. Non enim omnes conventiones cum malo genio tam barbaras & crassas esse credibile est, ut statim & semper Sathanas a paciscentibus secum plenam subjectionem & obsequium ad omnia, sui que totalem dedicationem stipuletur; sed, ut callidus est & maliciosus Spiritus, (e) ipsaque exempla, Actaque publica docent, *lenioribus* aliquando *pollicitationibus* & promissis allicit, sibi que restipulatur officium, e. g. veneficium uni vel alteri inferendum, damna varia, licentiæ abusum, perpetrandorum variorum scelerum, causa pro quibus ille delicias variasque alias illecebras promittit vel per se, vel per alios, eo unice fine, ut tandem confœderatos suos corpore & anima in æternam præcipitem perniciem. Atque ita *Pactum cum Diabolo completum*

(d) Conf. Pufend. de Iure feciali divino §. 20. Huberus de Iure Nat. Lib. II. Sect. VI. c. 3. §. 2.

(e) Ephes. VI, 12, II. Cor, XI, 3.

tum ac consummatum est conventio, qua homo se
suaque Satanae addicit in fidem & obsequium, &
Satanas repromittit, se suos devotos beaturum,
hostes ulturum, mala averfurum, & bona adje-
cturum. Conf. B. Io. Adam Osiander (f) idem,
qui varios modos conventionis talis ibi recenset.
Cui addendus Godelmannus. (g) Per Diabolum
autem per se patet nihil aliud intelligi, quam Spi-
ritus illos Apostatas a Deo, de quibus Thad-
deus: quod non servaverint originem suam, sed
reliquerint τὸ ἰδιον οἰκητήριον, & ad iudicium
magni illius diei vinculis aeternis sub caligine ser-
ventur. V. 6. & Petrus: Deus angelis non peper-
cit, sed catenis noctis in tartarum precipitatos tra-
didit servatos ad iudicium. II. Ep. II, 4. Et
Ioh. VIII, 44. Diabolus homicida est ab initio, &
in veritate non stetit, quia non est veritas in eo.
Dictus est ἀπὸ τοῦ διαβάλλειν, calumniari.
Ab Ireneo dicitur ζάβελος, unde spectrum in
montibus Riphæis dictum putant Rûbenzabl.
Loquimur autem in singulari, non certum quod-
dam individuum, sed Stylo Scripturae (h) quos-
vis

(f) Tr. de Magia p. 48. §. 26.

(g) Lib. de Magis L. I. c. II. p. 19. ubi itidem modum illius
confœderationis describit.

(h) vid. Luc. VIII, 12.

vis *malignos Spiritus* designantes, alias *Dæmones* (i) dictos, item *Satan* ab adversando, de quibus & aliis nominibus Theologi, quoties de Angelis ex professo tractant, vel in Scripturam sacram commentantur, prolixius agunt. (k) Quod addimus in titulo: *ad thesauros in terra abditos comparandos*, eo destinatur, ut restringamus propositum nostrum a generali tractatione de pactis cum malis geniis ad casum nostrum, quem respicimus.

§. IV.

Dari pacta cum Diabolo, asseritur cum remissione ad Scriptores varios, eorumque ad-
versarios.

Equidem dari in universum ejuscemodi pacta, confederationes & conventiones cum infernalibus geniis, ex communiore sententia complures hactenus & Theologi & Iurisconsulti & Philosophi ostendere sunt aggressi, quorum etiam aliqui vindicias pro veritate instituerunt aduersus dissentientes, qui prorsus negant operationes Diaboli in mundo, adeoque & pacta s. conventiones, ut notus jam est in vulgus *Balth. Bekkerus*, Batavus, in *seiner bezauberten Welt* / cujus hypothesen pridem certatim a Viris doctis sunt examinatae & refutatae, quorum Catalogum ex-

(i) *Matth.* VIII, 31. *Marc.* V, 12. sqq.

(k) vid. *Calovii System.* Tom. IV. de *Angelis malis*.

exhibuit B. *Grapius*. (l) Alii operationes Sathanicas in hoc mundo non negant, nequaquam tamen pacta & conventiones magorum cum malis geniis admittunt, quos inter eminent celeberrimus *Thomasius*, (m) cujus hypothesen examinavit *Petrus Goldschmidt*. (n) *Reginaldi Scoti*, nobilis Angli, librum, quem inscripsit *Detectionem artium magicarum*, ubi crimen magiæ sagasque magno conatu negat pernegatque, & mirandos effectus ad melancholiam, vel naturales morbos, vel fascinationem refert, confutavit *Iosephus Glanvill*, Anglus Theologus, (o) qui idem, majore tamen moderatione, castigavit quoque hypothesen *Episcopii*, Remonstrantium Doctoris, qui (p) non quidem negat lamias, pacta tamen earum cum Diabolo ejuscemodi negat, qualia supra descripsimus, queis nempe sagæ a parte sua DEO & religioni Christianæ renunci-
ent, seque totas anima & corpore eidem devo-
B veant

(l) in *Theologia recens controversa continuata* Cap. de Angelis Quæst. 9.

(m) Vid. Disp. inaug. de *Crimine Magiæ* 1701. & scripta, quæ deinceps Germanice prodierunt.

(n) Im verworffenen Hexen- und Zauber-Advocaten, qui liber prodit 1705. Hamb. 8.

(o) in *Saducismo triumphato* p. 62. seqq.

(p) in *Instit. Theol.* l. 3, c. 1.

veant ac mancipient. Hoc ipsum quoq; in Episcopo percensuit memoratus *D. Osiander* (q) idem, qui directorium Scriptorum in hoc argumento consignavit l.c. p.46. quos inter præcipui *Remigius*, *Godelmannus*, *Bodinus*, *Frommannus*, *Delrio*, &c. qui pro existentia pactorum cum Diabolo scripserunt. Quibus recentiores, a nobis h.l. allegati & allegandi, addi debent, præter eos, quos, longe plures, indicavit *Bangius* in *Cœlo Orient.* p.91. Fatemur tamen, diligentissime omnium, hæctenus allegatorum, Dn. *Aurifabrum* antea nominatum argumenta & momenta collegisse, & nervum eruisse præsertim in Scripturæ sacre locis.

§. V.

Transitus
ad institu-
rum, ubi in
casu nostro
Thesauri-
petarum
propositum
a Spiritibus
opem pe-
tendi,

Non itaque est, cur prolixè h.l. repetere velimus, quæ excussa satis & ponderata sunt; sed propius ad scopum pergimus, speciatim de ipsis pactis & conventionibus cum Diabolo, quæ ad thesauros e terra eruendos ac detegendos respiciunt. Quo tendit Casus nuperus tragicus, cuius Relatio demum publica *SERENISSIMI DUCIS, DOMINI TERRITORIALIS*, autoritate prodiit, ubi rustici quidam cum Studio Mediciæ, *VVebero*, cooperantibus aliis quibusdam personis, conspirarunt ad evocandos Spi-

(q) in *Tr. de Magia* p. 76. seqq.

Spiritus, qui thesaurum in vicinia ingentem, au-
ro & gemmis exsplendescentem, uti putabant,
delegerent, seque illius participes facerent. Vid.
Relationis Principalis p. 1. sqq. ad 9. ubi de Spiri-
tu *Nathaële*, custode scilicet thesauri, virginis spe-
cie comparente, mentionem faciunt, consenti-
untque in evocationem conjuratoriam. *Ochi*,
quem vocant, Principis spirituum in sole, cujus
imperio *Nathaëlem* subesse somniant. Cui
addo, quod ipse *Veberus*, custodia adhuc de-
tentus, me sciscitante, professus est, se non nisi
boni alicujus spiritus opera uti voluisse, quam-
obrem etiam adversus malignos se muniverit
precibus, veluti *Oratione Dominica*, quam reci-
tarint, tum amuletis quibusdam, sive signaturis,
quas consortibus dederit eo fine, quemadmo-
dum etiam nomen *Tetragrammaton* superlimi-
naribus ædiculæ, ubi convenerunt, inscripserit.

Adde p. 18. Vnde prima oritur consideratio: 1. Confide-
ratur atque
Num boni spiritus sensibili quodam modo cum ho-
minibus agant, iisque ope vel auxilio subveniant? dispicitur:
num Spiri-
tus boni
Speciatim: An thesauripeta hi aliquid opis ab ipsis sensibili mo-
do cum ho-
minibus
præstolari potuerint, si utique de bonis Spiritibus agant, &
cogitarint? Vbi primo removendum est illud cum iis com-
versentur?
spirituum vel angelorum genus, quod gentilium
superstitio effinxit, quorum alii sint cælestes, & Affirmatur,
idque olim
præ-
sape factum

esse ostendi-
tur.

præsent stellis, et animabus illarum, alii *elementares*, ex quibus sint *ignei, aerei, aquatici, terreni*: quorum officium inter alia sit bona hominibus procurare. Sic *Apulejus* de *Deo Socratis* medias inter summum æthera & infimas terras ponit potestates, quas *Dæmones* nuncupat, *vectores hinc precum, inde donorum*, (r) id est, qui partim preces ad DEVM perferant, partim varia dona ipsis conferant. In aureo *Pythagoræ* carmine nominantur primo *Dii immortales*, qui sint colendi, deinde *Heroum clarorum genus*, tum *dæmones terribis mixti*, ubi vetus Commentator, *Hierocles*, (s) *Dæmones* explicat *Animos hominum veritate & virtute, doctrina & scientia præditos*, quibus, cum sua iura ferenda esse dicit, ita hoc intelligendum ait, ut sit idem, ac obedire præceptis, quæ nobis reliquerunt, nec ab eorum scriptis & legibus recedere. Quæ quidem bene se haberent, nisi superstitiosis hypothesebus iterum obfuscaretur, quod suo modo plane dictum est. Sic idem *Hierocles* notat: *uno nomine angelos & dæmones & heroes vocari*, qui non sint a mortali substantia

(r) Conf. *Vossius* de *Idololatria* l. 1. C. 7. p. 19. & ipse *Plato* in *Epimenide*. Addatur *Antonius Dalenius* Dissert. de origine idololatriæ Cap. 1, 2, 3. & de *Oraculorum ethn. Orig.* p. 4, 7, 13.

(s) Edit. *London.* p. 44.

tia editi, sed ex uniformi causa, sicut lux e lucido corpore, ut adeo divina ipsis natura & officium adscribatur, quam participant. Sed quicquid sit de Dæmonibus illis bonis, eorumque officiis ac ministeriis: *Secundo* firmum esto ex Scriptura sacra, non alios existere spiritus, quam *bonos* illos a Creatore conditos. *Psal.* CIV, 4. inque obsequio Dei constantes, & *malos* illos Apostatas, de quibus supra. Bonorum officia & ministeria in sacra Scriptura passim describuntur tum respectu DEI, tum etiam respectu hominis: *ibi* in glorificatione DEI & executione mandatorum ejus operosi sunt. *Psal.* CIII, 20. *Esai.* VI, 2. *Luc.* II, 13. *Apoc.* V, 3. *hic* in custodia piorum, in viis ipsorum, avertendo varia mala, resistendo Diabolo, denique deducendo sub finem vitæ ad veram quietem & felicitatem. Vidd. loca sacræ Scripturæ huc pertinentia, (t) *Tertio* id quoque in liquido positum est, spiritus hos s. Angelos bonos sensibili quodam modo cum hominibus agere & conversari, & quidem quod olim id factum sit sæpius, nullum omnino dubium esse potest ei, qui Scripturam S. Verbum DEI admittit, quippe quod vel sexcentis locis de Ange-

B 3

lo-

(t) *Hebr.* I, 7. *Pf.* XXXIV, 8. *XCI*, 11. *Luc.* II, 9. *Iob.* V, 4. *Matth.* II, 13. *Luc.* XXII, 43. *XVI*, 22.

lorum apparitionibus, sermonibus, auxilio & ope piis lata testatur, ita, ut non modo externa aliqua species visa & vox audita sit, sed & fructus & effectus reales secuti sint. (u) Nec, mera phantasmata & imaginationes fuisse, quis putare potest, cum non solum angeli isti Spiritus in sacra Scriptura dicantur: quæ vox naturali significato substantiam, licet incorpoream, denotat; sed & substantialia prædicata angelis istis tribuantur, veluti stare coram throno Dei, intueri faciem Dei, adorare Filium Dei &c. eorum ministerio legem datam esse, & Evangelium de Christo hominibus prædicatum. (x) Hæc, inquam, promeris phantasmatibus & imaginationibus interpretari perinde est, atque illudere Spiritui S. per Scripturam loquenti, januamque aperire infinitis literæ cavillationibus. Sed nec legati Dei, vel Prophetæ duntaxat intelligi possunt, sed vel ipse Filius Dei, viri forma apparens, vel angeli specie illa conspiciui. Quid enim, num homo merus fuit, qui Mosi in rubo ardente apparuit? qui Manox, ejusque uxori apparuit, et in flamma

(u) Vid. *Genes.* XVI, XII, XIX, XX, XXI, XXII, XXXI. *Exod.* III, XIV. *Num.* XII. *Jud.* XIII. 2. *Sam.* XXIV. 1. *Reg.* XIX. *Zach.* I. *Matth.* XXI, X, *Luc.* I, II, &c.

(x) *Dan.* VII, 10. *Matth.* XIII, 10. *Hebr.* I, 6. *Pf.* XCVII, 7. *Gal.* III, 19. *Luc.* II, 10.

ma altaris descendit? Qui Dux erat populi Israelitici, Zachariae apparebat in templo? &c. Iam demum ratiunculis quibusdam & præceptis hypothesebus pertinaciter negare velle, Spiritum assumpto corpore apparere, & ita sensibili modo cum hominibus agere posse, cum manifesta sit litera sacrae Scripturae, tam stulti & malitiosi est animi, ut nulla spes fere supersit revocandi ad veritatis limites; cum præsertim e sacra Scriptura id quoque constet, angelos esse *Spiritus potentissimos*, (y) qui proinde corpora assumere, terminare & varias figuras dare potuerint naturali potentia. (z) Alias philosophico instituto indagare sollicitius modum, quo apparere, & effectus in corpore edere potuerint, haud nefas fuerit, modo non veritati primæ conatus resistat.

§. VI.

Cum vero nec naturam suam deposuerint boni angeli, nec ministeriis s. officiis suis privati sint, per se patet, adhuc hodie sensibili specie apparere posse, opemque ferre hominibus: immo fieri id adhucdum, & nostris temporibus sæpe factum esse, subinde singulari Dei provisu, constat ex historia fide digna. Neque in exemplum addu-

Adhuc nostra ætate angelos bonos sensibili modo versari inter homines, & effectus sensibiles edere singulari Dei provisu.

(y) *Psal. CIII, 10.*

(z) *Conf. 10. Ad. Osiander Theol. Cas. p. 516.*

adducam h. l. Socratem, de quo *Plutarchus*, (a) quod sæpe amicis dixerit: *presentem a se spiritum assidue percipi, qui & a malefactoris, & a periculis ipsis antevertat.* Sed nec illud *Bodini* in Libro de *Demonomania Magorum*, (b) ubi ait, se ex homine, qui adhuc vivat, audivisse spiritum quendam esse assiduum ipsius comitem, quem coeperit agnoscere, cum annum fere trigesimum septimum ageret, de quo porro ibi narrat, quod ipsum bonus Spiritus ad omnia pietatis officia excitaverit, qui tandem cum Deum rogasset, ut sibi spiritum illum ministrum monstraret, super lecto puerulum, veste alba, in purpureum colorem inclinante, indutum, vultu formaque admirabili, conspexerit. Sed e Protestantium Historiis illud observo, quod *B. Pfeifferus* (c) ex *Melanchthonis* scriptis recitavit, quomodo nempe A. MDXXIX, *Philippus* hic & *Simon Gryneus* Spiræ, durante ibi conventu Protestantium & Catholicorum, moniti sint de summo periculo, Simoni a Pontificiis intentato, idque factum a Viro quodam penitus ignoto, nec deinceps unquam viso, vel explorato: angelo pro-

(a) in libello de *Demonio Socratis*.

(b) L. I. c. II. p. 20. sqq.

(c) in *Anti-Enthusiasm*, p. 28.

procul dubio, a Deo misso, ad eripiendum Gry-
næum è vinculorum destinatorum ipsiusque vi-
tæ periculo; quomodo sane impletum est illud
*Psalmi XCI, 11. Angelis suis præcepit de Te ad cu-
stodiendum Te in omnibus viis tuis.* Quod &
ipse *Pfeifferus* expertus est singulari Dei benefi-
cio, missione nempe angeli acclamantis, & no-
minetenus sonora voce *Augustum* compellantis,
è somno excitatus, ignis, jam lectum, in quo de-
cumbibat, comprehendentis, flammæ evasit.
Conf. quod *Spizelius* annotavit de *Jac. Reybin-
gio*, (d) & alia plura apud exemplorum Colle-
ctores.

§. VII.

Ex quo tamen nequaquam sequitur: posse
quempiam extraordinarias ejuscemodi Dei di-
positiones ac revelationes per bonos illos spiri-
tus expetere a Deo aut expectare. Nam *primo*
temerarium & impium est, a Deo exposcere ea,
quæ singulari, nec nobis cognito consilio pro
summa sapientia ac potentia aliquando disponit
& ordinat, super quibus vero nulla unquam pro-
missio facta est nobis, aut mandatum datum, ut
in fiducia erga Deum, & nomine Jesu petere
queamus. *Ne existimet homo ille, se quicquam*

Non tamen
a Deo expe-
ti posse ad
thesauros
detegendos.

C

acce-

(d) in *Templo honoris reserato* p. 69.

accepturum a Domino, Iacob. I, 7. Nec secundo ulla spes concipi potest ex eo, quod Deus piis hominibus, in viis suis ambulanti- bus aliquando singulari & mirabili modo per ministraciones spirituum subvenit in instanti periculo; fore, ut extra vias evagantibus & carnalia agitantibus consilia simili ratione succurrat. Quid enim? annon perversæ cogitationes & carnalia penitus sunt de fideria thesauros in terra abditos angelorum opera mirabili effodere seque ditescere velle? Promisit Deus benedictionem suam orantibus, & pro modulo vocationis laborantibus. Istum DEI ordinem legemque transgredi, & extraordinaria DEI ac mirabilia Cœlituum advocare subsidia, in dedecus Creatoris, ipsorumque spirituum contemptum vergit, utpote quorum ministeria sunt divina, (c) quippe a DEO ordinata & emissa; at Deum extraordinario quodam & admirando modo dispositurum angelorum suorum ministeria ad hominum vanderum libidines, profanaque consilia explenda, simpliciter sanctitati ipsius & Majestati repugnat. Tertio in summum se periculum praecipitant, qui ad ejuscemodi consilia angelorum opera requirunt: nam cum *Satanas in angelum lucis* le-
figura

(c) *Hebr. I, 14.*

figurare queat & soleat, (f) facile pro albo, ut ita loquar, id est, bono angelo, atrum & malum obtinent ad perniciem suam. *Quarto* via sternitur manifesto ad idololatriam: nam cum ejuscemodi thesaurarii, ut ita loquar, angelos s. spiritus bonos ad scopum hunc sibi conciliare student; id non fit sine subjectione aliqua superstitiosa pro beneficio exhibendo & exhibito, cui vero repugnat clarum DEI verbum. (g)

§. VIII.

Sed nec de nostris *Thesauripetis* dici potest: eos a *bonis Spiritibus*, angelis nempe, DEI opem quaesivisse aut quaerere voluisse. Etsi *primo* in genere de *spiritibus* loquantur, nec determinate de malignis p. 3. 4. vocant *praeterea* scientiam suam evocandi & conjurandi Spiritus *eine Geist-Kunst*/ quam *Theosophiam pneumaticam* Relatio p. 5. appellat: quasi nimirum, ut illi quidē putabant, ars sit divina, divitiarum gratia acquirenda. *Tertio* memorant principem spiritum in sole *Ochum*, cum spiritus non in sole habitent: *quarto* spiritum Nathael sub illo principe insigniunt p. 9. *quinto* superliminaribus sanctissimum nomen TETRAGRAMMATON

An in nostro Casu quaesitum fuerit a Deo & bonis angelis auxilium? ubi primo rationes pro affirmativa,

C 2

in scri-

(f) 2. Cor. XI, 14.

(g) Col. II, 18. Apoc. XXII, 9. & XIX, 10.

inscribunt: Precantur Orationem Dominicam, tanquam in nomine Iehovae rem suam auspicaturi. *Sexto* p. 16. muniunt se sigillis adversus malos spiritus p. 17. *Septimo* sanctissima Dei nomina compellabant, *Adonai, Iehova*, immo *octavo* Salomonis Regis *claviculam*, quam vocant, inter subsidia artis suae numerant p. 8. Si enim recte rem inspiciamus, & circumstantias consideratius pensitemus: patebit, eos nullo modo DEum voluisse sibi conciliare cum bonis angelis.

§. IX.

Respondetur
ad rationes
& ostendi-
tur thesau-
ripetarum
detestabile
consilium
ex ipsis cir-
cumstantiis.

Equidem fuere, qui etiam malorum Spirituum effectus & opera mirabilia, perque instrumenta ipsorum patrata ad ipsum DEum, tanquam Autorem retulerunt, vel ad bonos angelos, quos per excellentiam vocant *spiritus* sed non sine DEI blasphemia, utpote qui per ejusmodi hypotheses in DEum malignum malignorumque Diaboli operum consortem & colusorem mutatur. Neque hoc loco temerarii nostri thesaurifossore DEum sincere & cum fide ac religiosa submissione suspicere potuerunt vel voluerunt. Nam *primo* norant, & nosse debebant, DEum angelosque bonos non moveri vel conciliari per enunciatas adjurationes & citatio-

tationes, quales hi miseri proferebant. Vid. p. 17. & 18. Cum neque Majestati summae DEI conveniat; immo ne cogitari quidem de eo debeat, neque sanctorum angelorum excellentiae, neque libertati ipsorum nobilissimae, pati se ad certa quaedam superstitiosa blasphema- que verba citari & comparere. Precibus exorandum est a DEO, quo opus habemus, non vi extorquendum. *Invoca me*, inquit Dominus, *in die angustiae, & eripiam te, & glorificabis me.* Psalm. L, 15. DEI verbo niti debet fiducia nostra, non ficto & superstitioso, juxta illud Psalmi: *quaerite* (sc. dixisti) *facies meas; itaque facies tuas, Iehova, quaero.* Secundo ex hoc quoque, si recte attendissent, consilii sui indolem dijudicare potuissent stulti homunciones: quod Principem ex regno solis, Ochum, ad mandata Nathaeli, subdito, danda circa thesaurum, & ejus auxilium implorant; quod institutum meras deceptiones fraudesque Diaboli sapit. Nam neque ex Scriptura, neque lumine naturae, aliquid nosse poterant de Republica illa spirituum, multo minus de nominibus eorum & imperio aliorum in alios, & habitaculo ac regno Solis: unde non nisi è Diaboli suggestionibus jam olim apud ethnicos efficacibus ad

apostasiam a DEO & Domino nostro JESU Christo, & provehendam idololatriam emanare potuerunt. Huc sane tendebant gentilium deliria, quando spiritus variae naturae, variarum occupationum & beneficiorum fingeant, ut supra notavimus. Si enim ejuscemodi den-
tur v. g. aërei, aquei & terrestres, item superio-
res, qui superiora elementa inhabitent, &
coelestes, qui coelum empyreum inhabi-
tent, vel in sideribus locum suum habeant, quo respicit ille fictus solaris *Och*: si appareant hominibus & illis sese adjungant, qui fructibus agrorum in lucem promovendis praesint, the-
sauris incubent, magna beneficia possessoribus conferant, qui non movebitur *ögeß*; illos ade-
undi, consulendi? Hinc & *Henricus Nollius* Physicae Hermeticae Autor ex *Paracelfo* scribit:
Wer sich zu ihnen verbindet und verschreibt/
dem geben sie Kunst und Gelds genug: sie
wissen auch unsern Sinn und Gedancken/da-
mit wir sie denn leichtlich bewegen/ daß sie zu
uns kommen. Conf. *Io. Ad. Oslander* in Theol.
Cas. (h) Unde *tertio* si rem recte aestimemus:
in ejuscemodi implorationibus & evocationi-
bus adjuratoriiis *collusio cum diabolo* s. genio
infernali satis manifeste se prodit, ut infra am-

plius ostendetur. Nam cum tenebriones illi, thesaurifossores, ad minimum non certo fundamento nitantur, DEum sibi propitium esse in hoc negotio, sive angelos bonos conciliari, ex adverso potius ex memorata modò Nathaelis & Ochis evocatione aliisque circumstantiis concurrentibus ad minimum augurari vel suspicari potuerunt, malum infensumque DEO genium subesse debere, cujus auxilium implorent; Et ita tacite jam in Diaboli opem & auxilium conspirabant, juxta illud:

Flectere si nequeo Superos, Acheronta movebo.

§. X.

Quarto quam desperata itaque, quamque injuriosa in DEum, Creatorem & Regem nostrum, est machinatio isthaec, qua insuper habita eius providentia rerumque directione, uti vel e scriptura, vel naturae lumine nobis constat, ad malorum geniorum opem & auxilia vel directe & immediate, vel indirecte & interpretative decurritur! Annon populus DEum suum quaret, sed pro vivis mortuos? id est, idola erunt pro DEO? Quo pertinent Diaboli, qui Dii non sunt. Esa. VIII, 19. Nimirum non in rebus tantum, salutem aeternam concernentibus, sed & temporalibus ad solum DEum confugiendum

Alia fundamenta adversus thesaurarios.

dum est, solique DEO serviendum, ut ait Christus *Matth. IV, 20. Jerem. XVII, 5. 7. Maledictus Vir, cujus cor a Iehova recedit; benedictus vero, qui confidit in Iehova, ut sit Iehova fiducia eius.* Ex his fontibus sine dubio *primum* promanarunt mandata illa divina poenalia de incantationibus, pythouibus, hariolis &c. (i) Neque excusat, quod nominum divinorum mentio fit in recitatione verborum adjurationis: tanto magis enim delicti turpitudine hinc elucescit, dum nomen DEI turpiter profanatur adversus gravissimum DEI praeceptum: *Non profanabis, vel non assumes nomen DEI tui in vanum. Exod. XX, 7.* Ubi vix detestabilior rem profanationem nominabis, quam hanc, qua ipsum nomen DEI immediate in eius dedecus & de honestationem, & ad evocandas hostis infernalis fraudes pertrahitur. Hinc ipse *Cornelius Agrippa, (k)* quem *Delrio* in *Disquisit: Magicis* cum aliis *Archimagum* vocat, fateretur, *saepissime sub DEI & Angelorum nominibus malis Daemonum fallaciis homines obstringi, & eo periculosa esse hic consilia, quo apparent*
impe-

(i) Vid. *Deut. XII, 10. 11.* & *Commentatores ibi; item Esa. VIII, 19, Lev. XIX, 31.*

(k) *Lib. de vanitate scientiarum c. 46.*

imperitis diviniore : quo nomine *theurgiam*,
quam vocant, rejicit. Conf. *Delrio*. (l)

§. XI.

Adhuc aliae
rationes

Si finem *quinto*, quem miseri hi homines
sibi destinaverant, rectius ponderassent, *divitiarum*
nempe *captationem*, facile potuissent ani-
madvertere, a Diabolo, vel quovis malo genio
non posse expectari *thesaurorum dispensationes*:
nam si hoc in ipsorum facultatibus positum es-
set, thesauros colligere & distribuere homini-
bus; summum benignissimae providentiae di-
vinæ argumentum, & momentum ordinatae
vitae inter homines periret, ingensque praesi-
dium praemiorum dividendorum in manum
Diaboli resignatum esse censendum foret, quod
omnem sanam religionem tollit. Unde recte
Petrus Grillandus, cujus integrum locum eno-
tavit B. *Spizelius* (m) has Diaboli fraudes cir-
ca eruendos dandosque thesauros vocat foedis-
simas deceptiones & fraudes. Comprobavit
sexto veritatem eventus: vel enim promissio-
nes Diabolicae ita in fumum abiere, ut nihil
prorsus praestiterit illis amicis suis malus geni-
us, sed umbram pro corpore, lignum pro auro,

D

ster-

(l) *Disquisit. Mag. L. II. Qu. II.*

(m) *In der gebrochenen Nacht der Finsterniß p. 70.*

stercora pro gemmis dederit; vel aliunde furto surripuerit quaedam, quae in mancipia sua transtulit; quod tamen non nisi raro, & ex arcanis, justissimis tamen, DEI causis, factum est: vel in mediis occupationibus thesaurarios suos oppresserit, aliquando etiam sub specie divini pacti, non accurate servati; vel in summam paupertatem per varios casus fraudesque praecipitaverit, ut recte Bodinus in *Daemonomania* (n) scripserit: *Quicumque divites se addicunt rebus Magicis, ut divitiis augeantur, fere in paupertatem abeunt, egentes vero tota vita paupertatem perferunt.* Nec male subjicit: *Bona dicuntur in Sacra Scriptura benedictiones, quia dantur a DEO, uti Jacob munus de gregibus, quos ipsi DEUS juste dederat, Esau fratri offerens, accipe, inquit, de benedictione, quam dedit mihi Dominus. At cur thesauros humi conditos suis mancipiis non impertitur Satanas? Cur fame finit emori? cur panem mendicare misere? Certe nec aliter vult DEUS, nec Diabolus potest. Recte utique & vere.* Poterat hic quaestio institui de nostris thesauripetis, qui in proposito suo, re infecta, perierunt: *An, Diabolo peculiariter procurante & operante, mortem oppetierint?*

(n) Lib. III. c. 3. p. 258.

rint? Quam quaestionem vero infra commodius tractabimus. Nunc ad exemplorum Collectores *remisisse* suffecerit: *Remigium, Osiandrum, Bodinum, Spizelium* ll. cc. Quibus nos deinceps commodiore occasione subjicemus exempla ab his non observata.

§. XII.

Equidem obtendi poterat, *virunculos illos metallicos (Berg-Männlein)* qui tamen non nisi daemones sunt, saepe magnos terrae thesauros detegere, vel saltem non nocere thesauri fossoribus, sed lactos circumcurritare in fodinis, tripudiantes quasi super effossione metallorum, adeoque DEUM per malos genios aliquando thesauros dispensare. *Respondetur primo*, non sequitur: si aliquando daemones mala aliquid permissu DEI in hominis utrum detegunt, ea propterea implorari, aut ad officium illud adjurari posse. *Secundo* si Diabolus aliquid thesauri in speciem praestat, tamen Diabolicum venenum semper subest, *id est*, ex proprio id addit, ut decipiat, & securiores opprimat; alio tempore vel turbat operarios, vel exterret saltim. Tales in fodinis quibusdam versari, tradit *Georgius Agricola*, quem non sine ratione cruditissimum & acerrimum rerum me-

Dubium de daemoniis terrenis solutum.

tallicarum investigatorem vocat *VVierus* (o) idem, qui exempla *Annaebergici Daemonis*, *Schnebergici*, & *Cobalorum*, qui vocantur, explicuit, quorum prior *duodecim operarios* flatu interfecit in specu, qui *Corona rosacea* appellatur. Cui non dissimilis conatus spectri Diabolici fuit, si *Krempio*, custodi, & *Beyero* in *Relatione Principali* p. 25. fides habenda: quorum prior testatur expresse, se *spectrum*, *pueri septem vel octo annorum specie*, *vidisse*, qui aliquamdiu hinc inde se motitaverit, & per tugurioli januam sensibilem admodum halitum efflaverit, haud dubie omnes eodem in tuguriolo suffocaturus, si quidem divinum Numen permisisset. De *Cobalis* s. *virunculis montanis* idem observavit, quod aliquando societatem cum operariis, & negotiosos se simulent, sed sine effectu; graviter vero laedant lacessiti, & vel propter cachinnos duntaxat. Ita videmus, spiritum deceptorem varias artes exercere, variasque figuras induere, variaque captare consilia, tantum ut noceat & in retia sua trahat imprudentes. *Tertio* nec eadem dijudicandi ratio est casuum, ubi jussu Magistratus, qui jus habet territorii, & in illa, quae in eo continentur,

(o) L. I, de praestigiis daemonum p. 89.

tur; ordinaria via mediisque, thesauri vel ipsius naturae, vel studio abditi, fossorum opera extrahuntur; & illorum casuum, ubi daemonum auxilia & media magica quaeruntur. Ibi enim, in prioris genere, precibus & fideli opera res perficitur, & ingentes auri & argenti thesauri ex abditis terrae eruuntur in usum communem humani generis, etsi cacodaemon invidia plenus erga homines sua subinde terriculamenta immittat. In hoc posteriore vero genere, ubi operarii nec justae vocationi innituntur, nec DEO se committunt, sed cum malignis geniis colludunt, conatus non potest nisi tristem nancisci eventum.

§. XIII.

Septimo lucem ausui thesauripetarum foeneratur usus subsidiorum, quibus instructi erant. Relatio, Principali autoritate edita, mentionem facit *Claviculae Salomonis*, Filii Davidis, & *Fragmenti MSti* sub titulo: *Requisita ad citationem spirituum necessaria*, quem librum *VVeberus* nuncupabat *Fausti Höllenzwang*. Nec mirum est, ejusmodi homines, cum malis geniis commercium habentes, vel habituros, jactare antiqua Patrum piorum monumenta, vel ab aliis speciosis his titulis falli, sicut nostri

Septimum
fundamen-
tum, unde
detestabile
thesauripe-
tarum con-
silium ap-
paret, ubi de
Clavicula
Salomon. &
Fausti Höll-
enzwang.

tenebriões, *Claviculam Salomonis* jactantes, quale quid Salomonem Regem scripsisse falsissimum est, nec ullo antiquitatis testimonio probabile. Et ex ipsius scripti futilitate fraus patet, quam pridem detexit *Baptista Segnius*. (p) Sic retro prorsus ad ipsum Adamum usque ascendunt *Bibliothecarii Magici*, ejusque Angelum quendam custodem, si Diis placet, qui fundamenta suppeditaverit Magiae. *Enochi* imprimis monumenta laudant, quae in hoc genere Magiae scripserit, cujus vero figmenti vanitatem exacte discussit *Bangius in Caelo Orientis*. (q) Recurrunt etiam *Kabbalistae practici* ad illas nugas, suasque artes magicas illis vestire tentant, quanquam haud abs re viri, antiquitatis orientalis remotissimae periti, jam Sabacos tempore Abrahami cum idololatria Magiam Diabolicam exercuisse, & monumenta magica scripsisse notent, quorum aliqua recenset *Maimonides in More Nevochim*. (r) Addatur *Hottingerus in Historia Orientali*. (s) Unde etiam conjiciunt: illa Scripturae loca, *Deut. XIX*,

(p) *Lib. de novo studio Christianic. 7.*

(q) *Exercitatione I. tota.*

(r) *part. III. cap. 29.*

(s) *Lib. I. cap. 2. de Relig. Sab.*

10. sqq. & *Levit.* XIX, 26, 31. maxime Sabaeis illis opposita esse, quibus DEUS divinationes, praestigias, magiam, hariolationes & veneficia prohibuit, & ejusmodi professos è Republica penitus vult remotos. Quod attinet *Fausti foetum*, quem vocat *Höllenzwang*/ ex praetenso Autore, *Archimago* & *Incantatore*, cujus fari-nae sit? dijudicari potest. Nihil vero certi suppetit de *Fausto* illo famoso, & cordati viri pro fabula Historiam istam a bono *VVidman-no* concinnatam declarant. Vero simile est, in exemplum & terrorem maleficatorum studio-
forum librum conscribillatum esse eo tempo-
re, quo artes magicae admodum invalescebant,
& spiritus familiares passim affectabantur a
Cultoribus literarum. Vid. *Osiander de Magia*
(1) & *Io. Ge. Neumann, in der Betrachtung des*
sogenannten Fausti; qui tamen & ipse percen-
sens fabulam errat, dum saepius *Kuntling* pro
Knittlingen scribit, istumque pagum patri-
am *Fausti* fuisse falso putat, ac *VVitten-
bergam* pro *VVürtembergam* a quibusdam es-
se scriptum autumat; quod & ipsum sine omni
fundamento asseritur. Vid. *Osiander de Magia*
l. c. Quanquam vero illa *Fausti historio-
la*

la (u) memoret, hominem istum apparatus
haud exiguum Librorum magicorum, queis
conjuraciones spirituum, superstitiosi caracte-
res & libri continentur, collegisse avideque le-
gisse, non tamen librorum, ab ipso conscripto-
rum, meminit. Interim ex his thesauris nostrorum
praesidiis constat manifesto, magi-
cis artibus fuisse deditos, & in id studium cu-
ramque incubuisse, ut in illis informarentur,
magicisque notionibus imbuerentur: *VVebe-
rum* inprimis, Studiosum, lucri causa ejusmodi
libros venales proposuisse, cum potius concre-
mandi fuerint, praevia Scriptura Sacra, in qua
legimus: *Ephesi* multos ex iis, qui curiosa (πε-
ρίεργα) exercuerant, comportasse libros, & exus-
sisse in conspectu omnium. (x) Conf. *Osiander* (y)
& *Delrio*, (z) qui rectè scribit: Non posse ad ho-
mines transmitti, nec legi, nec retineri: sed esse
igni tradendos, quanquam deinceps quaedam
addat, quae ex domestica hypothesis, id est, pon-
tificia, fluunt.

§. XIV.

-
- (u) Norimbergae recusa cum annotatis *Pfitzeri* P. I, c. 3.
(x) *Aët.* XIX, 19.
(y) §. 136.
(z) *Disquisit. Mag.* l. c.

§. XIV.

Octava ratio, ubi de Sigillis & Characteribus.

Octavo apparatus clinodiorum, *ist est*, medicorum magicorum, qui apud thesauripetas inventus est, satis testatur de consilio maligno: nam, ut *Relatio* habet, inter alia, apud *Veberum* in mensa tugurioli exposita, jacebant characteres magici, sigilla magica, quibus certae figurae impressae, voces superstitiosae & barbarae, figurae Druidum, sententiae ex verbo DEI v. g. *Vincit Leo de tribu Iuda*, nomen sanctum *Adonai*: Rosarium pontificium: scripta magica, de quibus supra: Evangelium Iohannis &c. Neque vero in promptu tantum erant illa media, sed ex parte vis illorum ab ipsis credita & applicata. Sic *Veberus* manu rosarium superstitiose gestabat: idem superliminaribus *Tetragrammaton* inscripserat, praeterea confessus est characterum vim ex libro *Höllenzwang* ad amatorios ignes puellarum accendendos: sic de sigillo plumbeo magnam quandam inque manuscripto expressam vim jactitabat: Sic circulos ducebant, verba adjuratoria enunciabant, ut supra. Huc pertinet superstitiosus nummorum ejusdem figurae numerus. Haec & talia manifesto collusionem cum Diabolo indicant. Nam *primo* quid illae figurae, signa, sigilla &c.

E

effica-

efficaciae vel virium habere possunt ad evocandos spiritus, thesaurorum indices & datores? nihil prorsus neque naturalis virtutis inde a creatione rerum inditum, neque supernaturalis a Deo extra ordinem concessum: non illud, quippe neque materiae isti, neque formae aut figurae impressae aliquid ejuscemodi virtutis inesse potest: sunt enim per se res inanimatae, certa tantum quantitate determinatae, nullam operandi vim, nedum in spiritus, habentes, ut coerceri possint: non hoc, supernaturale quid: prorsus enim incongruum est divinae providentiae, quae iusta & sancta, res mortuas, arte factas &c. praeter naturam suam elevare in obsequium & ministeria Diabolica hominibus profanis praestanda. Unde, si quando effectus aliquis sequitur usum characterum, annulorum, sigillorum vel imaginum, id totum a daemone fieri certum est, & ejuscemodi signa sunt ejus veluti sacramenta, quae sibi vel de novo devincit mancipia sua, vel confirmat, ut nimirum credant: Ipsum ad nutum illorum praesto esse, ut in credulitate sua ac superstitione magis magisque obligentur & adstringantur. Conf. *Delrio*, (a) *VVierus*, (b) *Frommannus*. (c) §.XV.

(a) *Disquis. Mag.* L. I. c. IV. Qu. I.

(b) *De praestigiis* L. IV. p. m. 364.

(c) *De Fascinatione* L. I, P. II. Sect. II, c. 19, 20.

Excipit quidam Anonymus apud Fromman-
 „num l. c. Die Characteres, welche nach hini-
 „lischer Influenz imprimiret werden/ geschehen
 „aus Gewalt menschlicher Natur/ welche das
 „Gestirn meistert/ wie in der heiligen Schrift
 „gemeldet wird: Sapiens dominabitur astris.
 „Wo ein Character etwas würcket/ istts gleich-
 „wohl Göttlicher Ordnung nach vor natür-
 „lich zu rechnen/ als eines Krauts Tugend.
 „Wie der Salvien- Geruch von GOTT durch
 „seine verordnete Mittel herkommt / also der
 „Wörter und Character Krafft auch derglei-
 „chen. *Rursus*: Omnium rerum tam sub-quam
 „supra-lunarium, herbarum & characterum no-
 „minumque virtutes a DEO oriri. Magum,
 „omnemque omnino hominem, qui confor-
 „mem verbo divino vitam agit, tantam per Dei
 „sapientiam & connatam virtutem habere po-
 „testatem, ut non tantum terram, feras
 „equos & boves ad placitum suum regere, sed
 „& coelo, ejusque incolis, videlicet planetis, o-
 „mnibusque firmamenti rebus imperare & pro
 „sua voluntate, velut armenta cum gregibus,
 „cogere queat. Connata itaque sua virtute
 „magum per verbum s. voluntatem suam cha-

Exceptio-
 nibus oc-
 curritur, ubi
 de astrorum
 influxu in
 Characteres
 & Signatu-
 ras.

„racteribus separatas coelestium vires posse im-
 „primere, iisque Medici instar, herba ad mor-
 „bum utentis, uti posse statuit. Conjungit
 idem Autor imaginationem ceu initium, prin-
 cipium coactivum, vires coelestes separatas, &
 subjectum terrestre, characteres nempe. Sed
 respondetur : I. hypothesis illa, naturam vires
 suas in verba, in characteres & sigilla imponere,
 vel : sigilla & annulos sub certo coeli aspectu
 sculptos, de viribus constellationis participare,
 quod *Philosophi characteristici* volunt, ne speci-
 em quidem ullam verihabet, nec probari pot-
 est. II. Conceditur quidem influxus aliquis
 superiorum in haec inferiora, & efficacia quae-
 dam, nec vel DEI potentia, vel metallorum
 virtus negatur; sed determinatum istum influ-
 xum coeli in certos characteres unde proba-
 bunt? Nonne recipiendi aptitudo requiritur
 in subjecto? quomodo de illa constabit? &
 quomodo è naturalium rerum virtute & effica-
 cia artefactorum vires inferentur? ubinam pro-
 portio est, quae ad recipiendum requiritur? III.
 Corpora sublunaria ex ordinatione Creatoris
 suo modo è superiorum s. coelestium corporum
 motu & actionibus dependent, & ab iis varie
 alterantur, sed materiae capacitas & passiva
 quae-

quaedam recipiendi potentia ibi manifesta est; quae vero in verbis, metallis signatis, characteribus, sigillis nulla specie probari potest. IV. *Verba sunt signa mentis ad communicandos conceptus instituta*: ea ultra naturam suam finemque, ad evocandos spiritus & coercendos, dirigere, nugacissimum & stultissimum est. Unde enim quis novit, verba illa, si praesertim barbara sint, nec sensum edant, a spiritu percipi? Unde intentio verba proferentis innotescit? Quo medio intellectui spiritus communicatur intentio dicentis? Quae vis ad cogendum sive determinandum vel alliciendum spiritum liberum? Conf. *Frommannus*. (d)

§. XVI.

Sed ad verbum DEI exactius rem perpendemus: *Argumentamur*: Quae consilia sapienti DEI regimini, gloriae JESU CHRISTI directe adversantur & blasphema sunt, eorum approbatio & effectus a natura, sive in se considerata, sive comparative accepta, non expectari potest. Atqui certis characteribus, signaturis, verbis, figuris, variisque aliis ceremoniis spiritus conciliari posse homini ad cumulandum i-

E 3

psum

(d) L. I. P. II. c. 20. & alii Scriptores de Characteribus, in quibus tamen selectus habendus.

psum beneficiis corporalibus, repugnat regimini
 DEI sapienti & gloriae JESU CHRISTI. E.
 Assumptionem probamus: I. enim rerum mor-
 tuarum & arte factarum, figurarum, variarum-
 que ceremoniarum usui & praxi indere vim
 praeter ipsarum naturam & praemia, veluti con-
 ciliationem spirituum, & varia ac singularia be-
 neficia ab ipsis participanda, index est mentis
 non sapienter providae, sed superstitionem &
 vanitatem admodum amantis. II. Inconveni-
 ens prorsus est excellentiae spirituum, ad ludicra
 illa alligari, illis velut subjici, & nobilissimas
 creaturas Conditoris ad crepundia ista depri-
 mere. III. Comprehendi non potest, cur Beni-
 gnissimum Numen tanta mysteria, si fuerint,
 non in Verbo suo vel Lumine quodam rationis
 manifestaverit, cum tanta vitae humanae au-
 xilia concernant, quae facile ad idololatriam
 possent seducere. Porro cum preces in nomi-
 ne Christi ad institutum evocandi spiritus, au-
 xiliatores, adhibentur, patet, intolerabile abusum
 meriti Christi hic versari, utpote quod hic non
 per media, in S. Scriptura praelcripta, applica-
 tur, sed per superstitiosa & arbitraria inventa, in
 summum dedecus Mediatoris, Glorae crucis
 Christi, quae corrumpitur, dum ejus structus
 trans-

transfertur praeter misericordis DEI intentionem ad res temere & nugatorie susceptas, evocationem nempe spirituum, uti praetendunt: cuius consilii haud ulla ratio vel e naturae, vel gratiae lumine afferri potest: neque e Verbo DEI juxta sensum a DEO inspiratum & media divina applicatur, sed in meram figuram enervatur, inque ea collocatur fiducia, quod ipsum idololatria est. Praeterea Crux Christi cum signis magicis commiscetur. Accedit profanatio Nominis DEI & Verbi divini in universum, uti non modo e Casu nostro constat, sed & aliis ad argumentum hoc pertinentibus. Sic *VVierus* „(e) notat, Magos ita inquirere thesauros: Virga avellanae, tribus signata crucibus, conjuratur non modo superstitiose, sed & impie & blaspheme: adduntur characteres cum barbaris nominibus, & in fodiendo leguntur Psalmi: De profundis, Missa, Misereatur nostri, Requiem, Pater noster, Ave Maria, & Ne nos inducas in tentationem, sed libera nos a malo &c. Quod quid aliud est, quam venerabili DEI nomini vim inferre, & sacrosancto ejus Verbo ad tegendas daemonii praestigias in contumeliam DEI & Domini nostri JESU CHRISTI,

(e) De praestigiis p. 365.

STI, qui humani generis amore victus illud ipsum verbum Evangelii è sinu Patris depromsit promulgavitque miserorum & perditorum hominum causa, ut, cum gratia excidissent, ex hoc verbo in gratiam se receptos discerent, haberentque certa & expressa divinae erga se voluntatis testimonia, quibus se in veris animorum consternationibus & ancipitibus distractorum sensuum fluctibus erigerent & erudirent. Conf. *Peucerus* (f) & ex eo *VVierus* (g) cujus verba in SSacra fundata enotari merentur ista: De genuino, ait, Sacrae Scripturae usu sic *Timotheo* scribit *Paulus*: Omnis Scriptura divinitus inspirata est utilis ad doctrinam, ad redargutionem, ad correctionem, ad institutionem, quae est in iustitia, ut integer sit DEI homo ad omne opus bonum apparatus. Item *Romanis*: Evangelium est potentia DEI ad salutem omnium credenti. Ad hos usus, nimirum ad renovandam hominis naturam corruptam traditum est DEI Verbum. Haec praestat fide apprehensum in cordibus credentium, cooperatio Spiritus S. qui per Verbum efficax est, non, ut mentitur Diabolus, a sceleratis & impiis ejus mini-

(f) De *divinationibus*.

(g) l. c.

„ministris prolatum, alias exerit vires, quam
 „quo destinatum ab initio fuit. Cumque
 „pronunciet DEI Lex: Non assumes nomen
 „DEI in vanum: non enim insontem habebit
 „DEUS eum, qui assumerit nomen Domini,
 „DEI sui, in vanum: certissimum est & irrefra-
 „gabiliter verum, qui ejuscemodi incantationū,
 „Scripturae Sacrae fūco velatarum, ritibus &
 „modis utuntur, certissimas eos manere pœnas.
 Quare si qui effectus sub horum verborum pal-
 lio vel vere, vel fascino videntur consēqui, Dae-
 monis esse opus ne dubites. Nec mirum est,
 Diabolum ipsum fucos ejusmodi è verbo, no-
 minibus & beneficiis DEI conquistos appro-
 bare: fit enim illud in DEI ignominiam, im-
 pii insuper tanto facilius illa specie pietatis se
 decipi patiuntur, & sic collusiones suas cum
 daemoniis occultant, quasi tuentes se adversus
 Diabolum, qui tamen in hoc ipso cum illis
 conspirat. Accedit hoc loco, quod thesauri-
 petae nostri sacra simul Festi Natalitii Christi
 nocte praeunte profanarunt, loco piaē prae-
 parationis & quietis in Domino temerarium
 & impium facinus aggrediendo.

§. XVII.

Sed jam demum octavo tanto expeditior
 F erit

Num the-
 sauripetae

pacti sint
cum Diabo-
lo?

erit quaestio: *An rustici hicum Studioso, quique cooperarii ejus fuere, pacti sint cum Diabolo?* Equidem expressam aliquam conventionem in negotio hoc thesauripetarum non reperimus, & collusionem aut pactum cum Diabolo intentum fuisse, *VVeberus*, Studiosus, constanter negat, immo non opus fuisse pacto cum spiritibus, utpote qui suppetias ferant gratis sine pacto, audacter asserit. Et sane si mens hominis illius respicienda sit & intentio, quae fuerit, difficile dijudicatu erit, cum solus DEUS sit scrutator cordium. Ex indiciis tamen externis ipsisque machinationibus & totius negotii contextu haud ita difficile est colligere, quid statuum sit? Nam certum est *primo* ex Relatione, thesauripetas usurpasse & exercuisse sacramenta diabolica, ut supra dictum. His pactum tacitum inest seu implicitum in eum effectum, ut, qui illis ex praescripto maligni spiritus utuntur, effectum intentum obtineant, comparitionem nempe ipsius, & promptitudinem ad manifestandum non modo thesaurum, sed & eruendum & a praesentibus cum ipso obtinendum. Figurae namque illae, characteres, signaturae, circulorum ductus, abusus sanctorum nominum, verbi DEI & passionis Christi
non

non possunt ejusmodi effectum sortiri per se & naturam suam, ut supra dictum; necesse est itaque, ex maligni spiritus impositione originem habere & ritus illos, & quod ritibus illis tribuitur: nam bono Spiritui s. Angelo lucis ea velle adscribere, quae in abusum divini Numinis horrendum, meriti ac crucis Christi, uno verbo: contemptum Religionis & reverentiae erga DEUM, gravissimis erroribus, immo idolatria, stultissimis & absurdissime compilatis ceremoniis posita sunt; non nisi stupidissimi hominis est; Neque sane hi thesaurarii tam fuere simplices, ut haec ignorarint, *VVeberus* praesertim, Studiosus, quia, omnes perditissima aviditate auri & argenti obcaecatos fuisse, manifestum est, ut nec prima Christianismi rudimenta, nec ipsam sanam rationem attenderint, sed in institutum suum exequendum ruerint, & ita non inviti cum malo genio, media illa s. signa constituyente, conspiraverint, atque consenserint in sententiam Diabolicam: si ritus istos perfeceritis; comparebo vobis, & faciam, quae vultis, nempe ut acquiratis thesauros abditos. Explicatius: Si excusseritis reverentiam erga verum DEUM, & fidem, verbo „Ejus debitam, eumque in finem abusi fueritis

„Nomine ipsius, & merito Christi cruce signa-
 „to & oratione ipsius, measque leges & prae-
 „scripta servaveritis, ac me Dominum agnove-
 „ritis, cui & obsequamini, & a quo bona expe-
 „ctetis; faciam, quae vultis, & explebo desi-
 „deria vestra, ut thesaurorum fiat participes.
 Unde factum contrarium est protestationi
 VVeberianae erga me expressae, cum in lectulo
 aegrotus decumberet homo: dicebat enim:
 non opus esse pactum cum spiritibus, utpote
 qui sine pacto & sponte sua veniant, si supra
 dicti ritus consummati fuerint. Enimvero i-
 psam tractationem & usum rituum illorum su-
 perstitiosum jam conventionem implicare, co-
 gitare debebat. Ita enim ratio cinari eum ne-
 cesse fuit: per usum horum rituum cogitur
 spiritus, ut appareat & obsequatur, vel ex ejus
 consensu & instituto id fit, si rite expleverim
 ejus voluntatem in ritibus illis. Non prius lo-
 cum habet: spiritus enim intellectu & volun-
 tate praeditos per stultos, maleque cohaeren-
 tes ritus cogi posse ad obsequium, ab omni ra-
 tione abhorret, nec vel minimam sive in Scri-
 ptura, sive in natura speciem habet. E. neces-
 se est, ut libere & ex consensu id faciant. Quid
 manifestius hic est conventionem Diaboli & the-
 sau-

sauripetarum : ille sacramenta sua impia & in DEUM injuriosa praescribit & promittit : hi praescriptum accipiunt, & repromittunt obedientiam. Ille stipulatur sibi obedientiam ad impios ritus peragendos : hi restipulantur sibi thesauros acquirendos, neque tantum promittunt apud se, sed etiam praestant ipso opere.

§. XVIII.

Quod ut distinctius intelligamus ; rependa sunt saniora, quae huc pertinent, principia. *Primo* Sacra Scriptura ipsa clare testatur : Diabolum sibi asserere potestatem & facultatem disponendi bona temporalia sive vere, sive ad decipiendum, & conventiones circa illa offerre. Illustre est exemplum Christi *Matth. IV, 9.* ubi Diabolus ad Christum ait, ostendens ipsi regna mundi & gloriam illorum : *Haec omnia tibi dabo, si prostratus me adoraveris.* Quod quid aliud est, quam oblatio pacti s. conventionis ? ubi ex parte Christi Diabolus sibi stipulatur adorationem & submissionem, pro qua vicissim pollicetur Domino regna mundi. Famossus quidem *Bekker* (h) haec reipsa ita facta esse negat, Christum quippe in summo illo exinanitionis statu sibi finxisse, ac si revera ades-

Deductio
amplior.

F 3

sec

(h) In *Mundo fascinato* Lib. II. cap. 21.

set hostis, & contra ipsum pugnaret; sed id Textui prorsus adversatur, & tentationem Christi in merum opus imaginarium detorquet, Christoque insuper imputat falsos conceptus cum tristitia conjunctos, immo impuros & peccato obnoxios, superbiae nempe indices, ejusque motus impuros. Confer, quae *Synodus Edamensis* respondit hîc, & summatim sunt excerpta in Cl. Tentzelii Colloqv. menstr. (i) Adde dissertationem, Praeside B. *Osiandro*, Respondente Dn. M. Christiano *Hochstettero*, *Tubingae* habitam, (k) Docent id etiam historiae fide omnino dignae, quas si quis negaverit, eo ipso simul omnem fidem historicam ejurabit. Priusquam unum alterumve exemplum adducamus, *primo* de indole pactorum diabolicorum quaedam annotanda sunt, ut tanto facilius de nostro calu judicari queat.

§. XIX.

Distinctio
pactorum
Diaboli-
cum in ex-
pressum f.

Itaque *secundo* observanda distinctio inter pactum *explicitum* & *implicitum*, quam hactenus Theologi & Iure Consulti communiter tere

(i) Ad Annum 1692. Febr. p. 109. seqq. Conf. Acta Lips. ad A. eund. ubi prolixius.

(k) Sub titulo: *Classicum Paulinum ad pugnam spirituales adversus Rectorem tenebrarum hujus seculi* p. 13. seqq.

ferē retinuerunt, & adhuc tuentur. Pactum *expressum* simplicissime describitur; arbitraria & destinato animo facta conventio cum Diabolo mutuaque obligatio. Quae vero quam vana & ridicula sit, ex eo facile patet, quod Spiritus malignus semel a foedere DEI recessit ita, ut semetipsum implicuerit impossibilitati revertendi, itaque aversus sit a DEO, ut nec velit, nec possit vel ad veritatem profitendam se adstringere, vel ad bonum creaturae rationalis aliquid facere. Unde stultissimi sunt, qui cum Spiritu deceptore contrahunt, aut aliquid ab eo expectant. Etsi enim aliquando speciem boni fingat; tamen in fundo machinationum nihil nisi perniciēs hominis latet. Unde & miserissimi sunt, qui aliquid a Diabolo boni, veri, expectant, aut pactis ejus confidunt. Est enim *Pater mendacii, & mendax ab initio.* (l) Et quanquam speciem Angeli lucis assumat, tamen Satanas i. e. hostis DEI & calumniator ipsius, & filiorum ejus est. Equidem Baro *Valvasor* in *Historia Ducatus Carniolani*, (m) ex professo de pacto implicito acturus etiam pacti expliciti varietatem declarare aggreditur, & *sex species* enu-

apertum vel directum, & in tacitum vel implicitum: & expliciti subdistinctiones & judicium de illis, & an ad tertium genus referri possit factum thesaurarium?

(l) *Iob.* VIII, 44.

(m) *Lib.* XI, p. 71.

enumerat ex materia diversa : *primum* vocat expressum *corporale*, das leibliche Pact, wenn einer sich dem Teuffel mit diesem Beding übergiebt / daß er mit Leib und Seel von einem Ort zum andern übertragen werde / wie die Mantel-Fahrer und fahrende Hexen / de quo quidem h. l. num revera ita se res habeat, ut corpora transferantur? non disputamus, quanquam non negemus. *Alterum* pactum expressum vocat *dolosum*, betrüglischen Verblendungs-Pact, wenn einer vom Teuffel das unsichtbar oder feste werden verlangt / oder daß er verwandelt werde in einen Wolff / oder daß er aus der Ferne Zeitungen bringen könne / wie die Lappen juxta Schefferum in Lapponia. (n) *Tertium* pactum expressum vocat *superstitiosum*, den Abergläubischen Bund / und geschieht / wenn einer unterschiedliche Worte und Characteren die nichts nuß sind / gebraucht / nach dem er sie vom Teuffel hat erlernet / e. g. Si quis a Diabolo edoctus sit ad compescendum serpentem adhibere verba : *Ossi, ossi, sta nequam serpens*. Huc refert pacta *implicita superstitiosa*, wenn man den Teuffel durch gewisse Characteren zu sich ruft. *Quartum* vocat expres-

(n) cap. I. p. 151.

expressum naturale, wenn jemand mit dem Teuffel einen Pact macht/ daß derselbe ihn etwas lehren soll/ so ganz natürlich / ohne zauberische Vermittelung. *Quintum pactum* expressum vocat *Pseudosacrum*, wenn einer vom Teuffel erlernet durch andächtige/ geistliche/ oder sonst gute Worte etwas zu thun / als Geister zu citiren / Kranckheiten zu curiren und dergleichen. *Sextum* vocat *lingulare* s. temporale, welche auf gewisse Zeit / und auf eine und andere Personen eingerichtet worden: Wenn zum Exempel die Hexen-Meister mit dem Teuffel einen Bund schliessen / daß er eine Crystall gebe/ darinnen sie dasjenige/ so zu erfahren verlangt wird / als Diebstahl/ Mord/ Raub und dergleichen erblicken mögen. Quae vero distinctiones, uti patet, materiam concernunt & distinguunt, ut plures sine dubio possint esse species, vel harum ipsarum una sub altera contineri. Sin quaeras: *An in casu nostro conventio reperiatur, quae ad unum horum generum referri possit?* Respondemus, equidem, ad *tertium* referri posse, videri queat, id est, ad pactum *superstitiosum*, quia thesauripetae verbis & characteribus usi sunt, quos a Diabolo didicisse videntur; non tamen imme-

diatē ab ipso Diabolo didicisse constat ; unde rectius ad pactum *implicitum superstitiosum*, quod Autor vocat, referas : malum enim genium certis characteribus & ritibus ad se vocarunt, qui cum effectu suo, ut ita loquar, neque a DEO ortum habere, ut supra ostensum, neque ad provocandos bonos Angelos s. spiritus adhiberi potuerunt. Itaque quanquam rituum & characterum illorum descriptionem, item libros huc pertinentes non immediate a Satana acceperint, sed partim a parentibus, ut *Veberus* quidem ait, jure haereditario (*das heißt recht den Teuffel im Erbe bekommen*) partim ab aliorum informatione; tamen originem res tota habet a Diabolo, qui effectum inde redundaturum promisit primo peiscenti, sed cum conditione, ut etiam ad alios propagetur. Qui proinde istis ritibus & characteribus utuntur, eo ipso tacite & implicate cum primo autore consentiunt, Diabolo nempe, faciuntque ejus opus, quo a DEO & pietate deficiunt, quicquid simulator fingat.

§. XX.

Quæ An the-
sauripetæ
pactum na-
turale im-
plicitum
fecerint?

Sed de pacto hoc implicito & tacito nunc dispiciendum amplius. Quæritur :

An thesauripetarum delictum, in usu signorum & cha-

characterum constitutum, ad pactum Diabolicum, naturale implicitum, referri queat? Quae quae-
stio ex eo fundamento decidenda est, quod ho-
mines isti magiae studiosi vel totum suum in-
stitutum haud aliter considerarunt, quam ut na-
turale quid, seu quod, operatione naturae in-
terveniente, desiderati effectus participes fieri
queant: quod vero fieri non potuit, si leviter
tantum rationis usum adhibuerint, uti supra
commonstratum; vel ita ratiocinati sunt, se ri-
tibus istis & characteribus supra naturae ordi-
nem spiritum adepturos, qui etiam ultra &
praeter naturae agendi modum ipsis thesauros
daturus sit: quem spiritum vero non nisi mali-
gnum, ut supra, credere potuerunt. Priore re-
moto, alterum stabit, & existimandum, omnino
thesaurarios nostros crasso & nefando pacto
implicito contaminatos esse: non enim cogi-
tabant duntaxat de mediis illis & symbolis, cha-
racteribus nempe & ritibus, sed ipso facto in
usum & praxin deducebant, seque in eo spiritus
maligni voluntati subiciebant, expectantes
comparitionem ejus, & porro facturi, quae
praeceperat: quomodo & ipsum praestitutum,
quae desiderabant, sibi promissere: sive autem
naturaliter id praestiturus esset, sive praeterna-

turali modo, perinde est, nec absolvit a pacto, ad naturale tamen tunc demum referendo : si media naturalia fuerint, quod hic loci non ita se habet. Vide, quae de pacto hoc naturali disputat *Erasmus Francisci* adversus *Baronem Valvasorem*. (o)

§. XXI.

Implicitum
quid ? di-
stinctio in
ignorantiam
vincibilem,
& celebre
exemplum
ignorantiae
invincibi-
lis : appli-
catio vinci-
bilis ad ca-
sum : & as-
sertio : reos
esse thesau-
rarios pacti
impliciti
voluntarii ;
& intendisse
pacta ex-
pressa.

Ut vero tanto clarius de pacto hoc implicito constet, dicimus cum Autoribus in hoc argumento occupatis : *Pactum implicitum* (occultum, interpretativum & indirectum) esse, cum quis iis utitur mediis, quae alius quis, qui cum Diabolo pactum explicitum iniit, ab ipso accepit, & disciplinam hausit. Conf. *Frommannus*, (p) & *Valvasor*. (q) Quadrat autem definitio haec plane in factum thesauriorum nostrorum : nam & hi utebantur mediis illis, quae a Diabolo alius quis pacto explicito accepit : characteribus nempe & rituum illorum magicorum contextu. Dicit quidem *Veberus* saepe memoratus, se libellos istos, jure haereditario accepisse : sed ita simul imprudens parentem demortuum confœderationis

(o) In notis ad Lib. XI. Hist. Carniol. p. 84.

(p) De Fascinatione in Append.

(q) l. c. p. 97.

nis cum Diabolo suspectum facit: cum vel ipse, vel alius quis isthaec ab ipso hauserit. Quod vero pactum expressum intervenerit, per se patet: nam cum Diabolus striete urgeat exercitium praescriptorum rituum, ita, ut etiam complices, non exacte & ad ungvem istos proferentes, occiderit, & vicissim paciscentes sibi stipulentur bona a Diabolo obtinenda, pactum si conventio manifesta est. Est vero pactum hoc implicitum duplex: *Primum*, quando quis sciens ac volens superstitiosis utitur signis, quibus uti solent Magi. *Secundum*, quando quis ignorans utitur magicis, quia nescit mala & a Daemone instituta. Ubi vero ignorantia vel prorsus *invincibilis* est, quando quis casu in medium vel symbolum magicum incidit, & ejus effectum sentit vel experitur. Quod si pio accadat; tamen nocere non potest ejus animae, & saluti hominis aeternae, sed juxta cum aliis tentationibus diabolicis aestimandum, fieri nimirum DEI permisso, ut tanto cautius & prudentius ambulet, quippe ut *leo circumiens est* &c. (r) nec rationem pacti impliciti ingreditur. Exemplum insigne (quia maxime ad rem praesentem in eo facit, quod abditos thesauros con-

G 3

cernit)

(r) 1. Petr. V, 8.

cernit) enotabimus ex Dn. Leuckfeldii, Pastoris
apud Groeningenses primarii, *Chronico VVal-*
ckenredensi, (s) quod etiam Dn. D. Behrens, cele-
bris, dum viveret, Medicus Northuf. excerptit.
(t) Im Kloster Walckenried / ait, ist über dem
Mönchs- oder Creutz-Gänge ein Saal / wel-
chen man den Zauber-Saal nennet / weilen
sich darauf zu der Zeit / da noch daselbst eine
weit berühmte Schule gewesen / nachfolgende
wunderliche Sache mit einem Knaben oder
Schüler zugetragen hat; Nämlich es ist eins-
mahls an gedachtem Orte von den Knaben zur
Lust ein Zeichen geleyet worden / um zu versu-
chen / wer unter ihnen darüber / und am weite-
sten springen könne; in dem nun solches ge-
schicht / trägt es sich zu / daß ein Knabe / so dem
Bericht nach von Ellrich soll bürtig gewesen
seyn / und mit Nahmen Damius geheissen ha-
ben / darüber auf einen gewissen Platz springet /
und nicht wieder davon kommen kan / es mö-
gen denselben auch die mitspielenden Knaben
reißen und zerren / wie sie wollen; Dieserwe-
gen zeigen etliche derselben solches dem Recto-
ri an / welcher denn kömmt / und den Knaben
noch

(s) Ad Annum 1616. p. 169.

(t) In seinem curiösen Hartz-Walde p. 193.

noch unbeweglich antrifft/ kan ihm aber so we-
 nig/ als die Knaben/ helfen; es fällt ihm aber
 bey/ daß solches von einer zauberischen Be-
 schwerung herrühren müsse/ und sagt dem
 Knaben: Er solle fleißig um sich schauen; ob
 er etwa eine Schrift oder Zeichen erblicken
 könne; welches der Knabe thut/ und wird über
 sich einen Circul gewahr/ siehet auch an der
 steinern Wand nach Osten eine Griechische
 Schrift/ gegen Süden aber etliche Chara-
 cteres stehen/ welche er theils herlesen/ theils
 beschreiben muß/ woraus der Rector verstehet/
 daß in der Mauer ein Schatz verborgen sey/
 und derjenige/ welcher zu der Zeit/ da solches
 geschehen/ mit seinen Füßen den auf die Erden
 gemachten Punct berühren würde/ die Schrift
 sehen und das Verborgene offenbahren solle.
 So bald der Rector dieses verstehet/ wird der
 Knabe wieder loß/ und gehet aus dem be-
 schwornen Circul heraus/ wohin er will. Hie-
 rauf zeigt der Rector solches an: Da denn
 nach dessen Anweisung gesucht/ und ein stei-
 nern Geschirr mit Gelde eingemauert gefun-
 den wird. Solches Geld soll sehr dinnen
 Schlages/ auch so groß/ als ein Orts Kthlr.
 gewesen seyn/ und hat man dasselbe hernach mit
 dem

dem Geschirr Herkog **CHRISTIAN**
LUDWIG/ Christ-mildester Gedächtniß/
 nach Zelle übersendet. Der Ort/ wo solcher
 Schoß gestanden/ wird noch diese Stunde der
 nen Curiosis gezeigt/ und ist ein viereckiges
 auf gedachtem Saal in die Mauer gemachtes
 Loch/ welches mit Steinen sowohl gefügt ist/
 daß man solches mit andern Steinen künstlich
 hat zuschieben/ und mit Kalck überstreichen
 können. Auf diesem Zauber-Saale/ per-
 gunt memorati Autores, ist Ao. 1687. Herr D.
 Weiß/ Hoch-Fürstl. Sächß. Rath/ Leib-Me-
 dicus und Bürgermeister in Gotha/ mit eini-
 gen andern gegangen/ um daselbst aus curio-
 sität die Metall-Ruthe zugebrauchen/ da sie
 denn nicht weit von gedachtem Loche starke
 Züge der Ruthe angemercket/ haben aber we-
 gen grossen Schreckens/ so ihnen allen ankam-
 men/ ablassen müssen: Denn es an hellem
 Tage etwas dunkel um sie geworden/ und ob-
 gleich keiner den andern feia gemacht/ sind sie
 doch alle erblaßt gewesen; Derowegen sie sich
 bald wieder in Sicherheit gerettet/ allwo sie
 einander fast gleichförmig erzehlet/ daß jedem
 gewesen/ als wäre ein Wind durch ihr hinge-
 gangen/ und sie mit den Haaren biß an die De-
 cke

ste gezogen worden/wie solches Herr Sam. Rey-
 herus in Differtatione Iuridico-Philosophica de
 Nummis quibusdam ex chymico metallo fa-
 ctis cap. 36. §. 20. p. 135. sqq. aus Herrn D.
 Weizens Epistel angeführet. Conf. Tenzelius
 in Colloqu. Menstr. (u) Quis non videt in
 hoc exemplo Satanae occulta molimenta ad ir-
 retiendos quosvis & involvendo pernicipi?
 cumque hominem non possit vi seducere ac
 pertrahere in confederationem saluti damno-
 sam, fraudibus & decipulis quasi expositis, ten-
 tat, quid possit, & e longinquo veluti animas
 attrahit spe lucri, si vel casu incidant in symbo-
 la sui pacti cum Magis. Vel *vincibilis* est
 ignorantia, si modo quis ratione praeditus rem-
 ponderet, & conscientiam suam excutiat. Si
 ignorantia fuit in nostro casu in temerariis ho-
 minibus, sane *vincibilis* omnino fuit, uti constat
 ex circumstantiis supra adductis: poterant
 enim vel ex solis elementis catecheticis, ipsis
 que principiis rationis nosse, nec a DEO, nec a
 natura ejusmodi signa & ritus ad illos effectus
 praescribi potuisse, unde a maligno spiritu esse
 necesse sit. Haud immerito itaque consilia &
 facta

(u) Ad A. 1693. Mens, Aug. p. 602. sqq. Ubi historiam
 hanc prolixè exhibuit, suamque epistulam subjunxit.

facta ipsorum ad *voluntarium pactum* cum Diabolo referimus, cum non tantum consenserint in illa signa & symbola magica, ceu media effectuum magicorum, ut evocationem spirituum & collationem cum illis porro instituentiam, quos spiritus sciverunt & scire potuerunt malos esse. Unde porro concluditur: non tantum tenebriones hoc pacto implicito cum Diabolo se involvisse, sed etiam *expressum* quoddam intendisse, si nimirum spiritus evocatus compareret, modo finem intentum obtinerent. Sane enim DEUM ejusque verbum jam deseruerant, & horrendis delictis involuti ad extremos conatus magicos se apparaverant.

§. XXII.

An Magiae
rei sint? de
voce Ma-
giae, ejus-
que usu va-
rio,

Ex dictis fluit porro, thesauripetas nostros a *Magiae* crimine prorsus absolvi non posse. Equidem *Magiae* vox magnam habet amplitudinem, & pro temporum, philosophorum gentiumque vel ingenio, vel decretis & sententiis, vel moribus significatus nacta est varios. Nam & gentem certam Magos dictos fuisse, notavit *Herodotus*. (x) Apud Persas Magi sacra tractabant, & philosophiam profitebantur, de qui-

(x) Lib. I. Hist.

(y) Lib. de Divinatione.

quibus Cicero: (y) in Persia augurantur & divi-
nant Magi, qui congregantur in foro commentan-
di causa atque inter se colloquendi, nec quis Rex
Persarum esse potest, qui non ante Magorum di-
sciplinam scientiamque perceperit. Immo &
Parthos, Medos, Sacas pluresque gentes suos
habuisse Magos, quin & Arabes sapientes Ma-
gos nuncupatos, Vosius (z) è veteribus adstru-
it; eos tamen disciplinam suam hausisse a
Chaldaeis, recte monet Stanlejus in historia phi-
losophiae orientalis, (a) quae tum in majore ope-
re, tum separatim cum quibusdam annotatio-
nibus & indice philologico, Clerici opera, prodiit.
De Chaldaeis vero eorumque studiis atque
progressu ex professo egit Otto Heurnius. (b)
Caeterum jam Chaldaicae Magiae partem fu-
isse Theurgiam, Stanlejus l. c. memorat, & theur-
gicos ritus adhibitos fuisse ad bonos daemo-
nes eliciendos, malos vero averruncandos, è
Iamblichi loco docet. Nimirum cum nimia
curiositate Magi temporis progressu ad super-
stitiosa deflecterent, ut mira praedicere & prae-

H 2

stare

(z) In Libro de Sectis Philosophorum,

(a) Cap. I. §. 15. proem. & deinceps.

(b) In Lib. de philosophia barbarica parte, quae in scribitur
Chaldaica,

flare possent, pactaque cum daemonibus inirent, factum est, ut nomen *Magi* ignominiosum esse inciperet. Hinc jam *Hieronymus* suo tempore observavit: *Consuetudinem & sermonem communem Magos pro maleficis accipere. Conf. Calixtus in Historia Magorum. (c)* Sic & hodie communiter malo accipitur sensu, ut denotet einen Zauberer oder Schwarze Künstler/ oder der mit Zauberer Sachen umaeht/ *Magia* vero Zauberer oder schwarze Kunst. Atque sic *Magus* est, juxta *Bodinum*, (d) qui sciens diabolicis modis ad aliquid pervenire conatur, vel, ut alii: qui daemonum opera & operes inusitatas & admirandas faciunt, adde: vel facere conantur. Neque enim propterea a magiae crimine liberi sunt, si effectus non sequatur adhibita diabolica symbola, a diabolo praescripta. Quo sensu certe thesaurarii nostri, tenebriones, Magiae nomine detestabiles fiunt, quippe per diabolica media, quibus pactum implicitum inhaeret cum daemonibus, conati sunt evocare spiritus & bona temporalia sibi acquirere.

§ XXIII.

(c) Cap. 18.

(d) In *daemonomania* cap. 1.

§. XXIII.

Non tamen Magos voco stricte ita dictos, ^{Quo sensu non sint Magi?} qui expreso foedere cum diabolo egerint, cuius vi daemonicas operas in damnum s. perniciem proximi edunt. Hoc enim discrimen usum suum habet maxime in poenis Magorum. Aliter sane & graviolem meruit poenam, qui hoc posteriore modo magus audit, quam qui priore: quem tamen nequaquam iuvare potest praetextus *naturalis magiae*: quanquam illa non prorsus neganda sit, sed etiam, experientia teste, locum aliquem inter scientias naturales nancisci queat; tamen isti thesauriorum conatus ad eam referri non possunt, ut supra ostensum ex contextu Actorum & rituum usurpatorum symbolis: cum genuina ista naturalis nihil aliud sit, quam secretior quaedam naturae arcanorum ejusque operationum notitia, cujus beneficio mira seu admiranda perficiuntur. Multa sane sunt naturae miracula, incomperta adhuc rationi (ut utar verbis Theologi supra memorati) & in naturae majestate penitus abdita: haec si quis hominum illis rebus naturalibus occulte utens faceret, Magus vulgo diceretur, & non nisi daemonis auxilio talia facere crederetur, cum tamen

H 3

opera

„opera illa essent naturalia, & a causis naturalibus profecta, qualia plura collegerunt *rerum naturalium descriptores*, quo pertinent virorum fide dignorum Geographiae, Topographiae, item qui de incredilibus & rebus curiosis scripserunt. Enimvero his naturalibus ultra modum curiosi immiscuerunt malas artes, sub nomine naturalis magiae, quae tamen revera cum pactis diaboli erant connexae, vel illa supponebant.

§. XXIV.

Jam qualis vita tenebrionū, talis exitus: prout semen, ita messis comparata: patet id ex eventu conatuum thesauripetarum: cum aliqui praesentes operiq; Diabolico manum admoventes misere perierint; unus vero, *VVeberus* nempe, Studiosus, adhuc superstes, gravem admodum sanitatis jacturam, quae nondum reparari haecenus potuit, passus sit. Hac occasione pertractare lubet quaestionem, cujus jam supra §. XI. p. 26. facta est mentio: *An scilicet Daemoni potius, quam causis mere naturalibus tribuendus sit tristis ille thesauripetarum exitus?* Postquam thesaurarius alter, *Gesnerus*, consuetas adjurandi formulas exprompta memoria recitaverat, *VVeberusque*, Studiosus, easdem ex *Fausti*, quem possidebat, libro

Quo An
mors the-
sauripeta-
rum Dae-
moni poti-
us, quam
causis mere
naturalibus
tribuenda
sit?

libro altera vice repetere coeperat, in ecstasi
 quasi abreptus, oculorumque hebetudine su-
 perveniente impeditus, propositum plene exe-
 qui non potuit; cumque sopor ipsum obrue-
 ret, caput in mensam inclinare coactus est: qui
 sopor profundus tamdiu urgebat hominem,
 donec postridie sub vesperam Feriae primae
 Natalitiae ab adventante Contubernali diffi-
 culter admodum excitaretur, inque diversori-
 um proximum deinceps deferretur. Haec o-
 mnia dum obtigere *VVebero*, reliqui duo ru-
 stici erecti adhuc & validi ad mensam conse-
 disse dicuntur. Utrum vero paulo post actum
 adjuratorium, qui vix horae spatium duravit;
 morte fuerint oppressi, an media demum nocte
 animam infelicem efflaverint? in Actis non ex-
 primitur; id saltem ea testantur, quod postri-
 die, ubi vineae possessor, sceleris conscius, cum
VVeberi contubernali thesaurarios invisere e re
 sua fore censuerat, extincti horrendo ac torvo
 vultu colloque obtorto reperti fuerint. Si
 dicendum, quod res ipsa fert, causae quaedam
 naturales in censum hic omnino venire viden-
 tur, quae tamen non sine iusta Numinis vindi-
 cta considerari debent. Ex his *primo* loco
 nominandus est *carbonum* candentium *fumus*
 pesti-

Causas na-
 turales in
 censum hic
 venire, asse-
 ritur.

pestilentissimus: hic quod non raro extremum hominibus, eo infectis, exitium atque interitum acceleraverit, inter experientissimos prudentissimosque Medicos expeditum, innumerisque exemplis comprobatum est; ut proinde, & hic virus suum in thesaurarios exseruisse, probabile admodum videatur, praesertim cum prae carbonum incommodis, fumique ingravescentis, suffocationemque causantis injuria & fenestras & fores aperire fuerint coacti. *Secundo inter-*
sisimum ac inusitatum fere *frigus*, quod ea tempestate, inprimisque noctu sunt experti miseri isti homunciones, soporem facile lethiferum accersere, mortisque adeo hujus causam constituere potuit. *Accedit tertio horror ac pavor* insolitus, qui procul dubio thesauro inhiantes occupavit: dum enim cogitarunt videruntque, irritum plane evasisse conatum suum, simulque perpenderunt: quodnam negotium quo tempore fuerint aggressi, conscientia, tandem evigilans & turbas excitans, varia pericula & tata tristitia praesagiit, inque summas forte angustias ob offensum sanctissimum Numen & pessime collocatum tempus, quod non nisi sanctis ac piis meditationibus actionibusque impendendum erat, adigit. Quod enim DEUS non raro irae
 suae

suae exemplum statuerit in Noctis Christi Natalitiae profanatores, historiarum monumenta passim nos edocent.

§. XXV.

Non tamen in recensitis causis naturalibus subsisto, sed speciali infernalis genii concursui praecipuas in tristi hoc eventu partes tribuo. Nam *primo* ex ipsa suscepti *negotii natura*, dum thesauripetae in subsidium vocarunt Daemonem, communem illum & capitalem generis humani ἀντίδικον, patet, quod idem in re sua operosus maxime fuerit. Quod enim spiritum bonum, ceu finxit *Veberus*, intendere, aut evocare non potuerint, jam supra est ostensum. Et si omnes suscepti facinoris nefandi circumstantias ex Relatione penitius paullo ponderemus, omnino inde apparet, quod non potuerint non colligere, immo revera collegerint, Diaboli operam in toto thesauri inveniendi negotio versari: nam quando *Gesnerus* affirmavit, se vidisse pretiosissimum thesaurum a catello custoditum: cujus vero locum aliis indicare, interposito jurejurando, capitali poena sit prohibitus; quando porro cognovit, in vinea Heuchleriana subinde spectrum aliquod comparuisse: quando denique lucem fugiens restitit ca-

Diabolum ad tristem hunc eventum concurrisse, commonstratur: I. ex ipsa negotii natura, evocatione sc. Daemonis.

vendumque pronunciavit, ne in tali domicilio fieret adjuratio, quod aliorum hominum conspectui esset expolitum, suspicionique adeo perpetrandi sceleris ansam praeberere posset, sane ipsimet convicti satis fuisse videntur thesaurarii, se non moliri opus DEO acceptum, & angelorum ope atque auxilio sublevandum, sed suspectum potius, impium, immo Diabolicum; adeoque non mirum, si per quod peccarunt, per id ipsum quoque puniti fuerint. *Secundo ex spectri comparitione & habitu* judicari res potest. Nam initio illud, quemadmodum Relatio habet, observante *Beyero*, custode, his tugurioli januam aperuit, innocentemque hunc hominem ita attonitum reddidit, ut non multo post naturae debitum solverit. Postea spectrum, umbrae pueri octennis speciem praebens, non tantum sensibilem admodum halitum efflavit, seque aliquamdiu in ipso aediculae limine motitavit, sed fores etiam tanto impetu ac tumultu pulsavit, ut in minutissimas particulas redactae viderentur custodibus. Porro in eo his illuisse putandus est Diabolus, quod tres candelas, quas secum habebant, simul ac fuerant accensae, quarta, immo quinta vice illico extinxerit, cum tamen duae aliae, a thesaurariis relictæ, sine

II. E Spectri comparitione & habitu.

ne ullo impedimento lucem emiserint. *Dicas*:
 spectrum hoc solos excruciauit custodes; unde
 argumentum iade petium nondum evincit ha-
 ctenus, quod evincere debebat. Sed respon-
 deo: Licet haec omnia in *Relatione Principali*
 custodibus contigisse dicantur, illud tamen haud
 obscure inde deducitur, quod Diabolus in tu-
 guriolo suum exhibuerit spectaculum. Nam
 dum innocentes homines officii rationem, Su-
 periorumque mandata exequi satagentes, nil-
 que mali sibi conscios, aggredi atque terrere
 non dubitavit Satanas, sane credibile est, quod
 multo magis ad mortem repentinam thesaura-
 riorum concurrerit, suaeque adeo praesentiae
 copiam iisdem aeterno exitio fecerit. Cujus
 etiam rei haud vana extitere indicia: Ut enim
 taceam, quod Diabolus circa rusticorum cada-
 vera, cum adhuc in aedibus pestilentialibus,
 quas vocant, aservarentur, horrendum tumul-
 tum ac strepitum, quemadmodum inquilini
 uno tunc ore confessi & conquesti sunt, excita-
 verit, notari saltem meretur somnium illud,
 quod *Zennerus* proxime praecedente Domini-
 ca IV. Adventus, & quidem circa horam IV,
 matutinam, eo scilicet tempore, quo consortes,
VVeberus & *Gesnerus* in ipsius aedibus perno-

Et averant, sibi obligasse retulit : Conflictandum sibi nempe fuisse cum viro horrendo, nigra veste induto, ac vitae insidias meditato, quem arcerere atque depellere non potuerit. Ex his itaque ac similibus circumstantiis, quanquam diversae sint indolis ac momenti, intelligitur, Diabolum praecipuam in hac tragoedia personam repraesentasse, finemque ipsi imposuisse, male mulctatis instrumentis suis.

§. XXVI.

III. Ex consuetudine
Cacodæ-
monis, qui
plures in si-
mili nego-
tio trucidavit.

Et hoc *tertio* eo minorem habet dubitationem, quo plura & evidentiora malignus spiritus passim hujus suae *consuetudinis* reliquit specimina, dum plerumque sibi devotos ejusmodi mactavit praemio, quod fidei isti ministerio respondit, *hoc est*, eos, qui artibus magicis fuere dediti, infatigabilique auri & argenti, vel ex abditis terrae recessibus eruendi, vel alio pacto illicito acquirendi cupiditate inflammati, in fine vel trucidavit, vel turpiter ac misere perire fecit. Circa Annum Christi 1555. Valckenredae fuit frater, Adolphus Meutha, Githornensis, Chymiae, Medicinae & Necromantiae deditus, ac ideo reliquis fratribus invisus. Secessit ergo Amelungsbornam, inde Mariaerodam, & tandem Locumum : ubi post aliquot men-

menes in loco secreto inventus est mortuus.
Vid. *Eckstormius*. (e) Hunc ipsum *Mentham*
Cl. Tentzelius (f) suspicatur Autorem fuisse il-
lorum signorum & characterum magicorum,
quos in *Coenaculo Magico VValckenredensi*, ceu
ex *Leuckfeldio* integram historiam in praecedentibus enarravimus, coenobii alumnus conspexit detexitque. Quod autem speciatim ad thesauripetas attinet; illi pro lucro, cui inhiant, plerumque vitae & salutis aeternae, thesauri incomparabilis, jacturam fecerunt. Sic *Melanchthon* alicubi refert, homines decem *Magdeburgi* ruina turris oppressos esse, cum ad thesauros, quos docuerat Satanas, reperiendos effoderent. Et *Georgius Agricola*, supra jam laudatus, in Libro de *spiritibus subterraneis* scribit, *Annebergae* in ea fodina, quae dicitur *Corona rosae*, spiritum specie equi duodecim homines occidisse, & fecisse, ut fodina argenti plena excederent, quam magi ope Satanae repererant. Memorabile quoque est, quod sua aetate factum refert allegatus saepe *VVierus*: (g) recenti adhuc memoria, Ao. nempe *CICIOXX*. cuidam in crystallo thesau-

(e) In *Chronico Walckenred.* p. m. 126.

(f) In *Colloqu.* Menstr. ad A. 1693. p. 605.

(g) In *L. de praestigiis* p. 121.

ros *Norimbergae* ostenderat Daemon: hos cum loco perfolso ante urbem in qua commorabatur homo iste, aurum sitiens, adhibito amico spectatore, & jam in specu arcam vidisset, atque ad eam nescubantem canem atrum, ingressus in specum homo opprimitur interficiturq; ruente cacumine & specum rursus complente. Hanc ipsam historiam repetens *Sam. Meigerius* in *Nucleo Historiarum* (h) subjicit: **Diß ist vielen wiederfahren/ Die mit der Glückrutben und Goldgraben umgehen/ daß etliche um ihr Leben gekommen / etliche taub geworden / andere das Gesicht verlohren/ auch wohl von Sinnen gekommen sind.** Plura in hanc rem exempla qui desiderat, conferat *Bodinum*, (i) *Remigium*, (k) qui singularem historiam exhibet de *sartore* *Basileensi*, Ao. *cio* *io* *xx*. in cryptam, quae *Augustae Rauracorum* est, se demittente: *Spizelum* (l) aliosque. Quae omnia luculenter, ut puto, evincunt, in more positum esse Diabolo ita tractare discipulos suos, ut artis suae fructum tandem ferant sentiantque longe acerbissimum.

Hunc

(h) P. IH. L. VII. c. 18. p. m. 170.

(i) In Daemon. L. III. c. 3. p. m. 259. seq.

(k) in Daem. L. II. c. 4. conf. Io. Ern. Pfuel de Magia p. 125.

(l) In der Gebr. Nacht der Finsternis p. 68. sqq.

Hunc autem facile praevidere possent ac devitare, si *quarto* denique ex aliorum periculis & exitio cautiores facti perpenderent, isthac praecipue ratione Diabolum suis imponere, & praetextum infelicis ejusmodi eventus usurpare, pactum videlicet non accurate fuisse servatum, contextumque rituum a se praescriptorum immutatum, aut saltem minus exacte adhibitum.

IV. ex proposito decipiendi, & specioso praetextu de non servato pacto, si nempe rituum contextus non accurate sit observatus.

Observavit hoc saepe nominatus *Osiander*: (m)

„Si quis ceremoniarum apex, *inquiens*, neglectus sit, aut ejus praesentia pavidi vel latum ungvem figuram transierint, continuo de vita eorum conclamatum est. Quod quanquam speciatim de Magis pronunciet B. Autor, tamen id ipsum etiam de thesauripetis in adjurationibus suis non latis caute versatis accipiendum esse, ostendit B. *Dietericus* in Comment. in *Librum sapientiae* (n) his verbis :

Die Zauberer und Hexen schaden sich zum öfftern an ihrem Leben ; Denn mehrmahlen/ wenn solche Zauberer und Seegen sprecher fehlen / ihnen der Teuffel den Hals umdrehet/ oder erschrecket sie/ und giebt Ursache/ daß sie fehlen/ damit er ihnen den Garaus mache/ wie es NB mit den Schatz-Gräbern gemeiniglich geschiehet.

§. XXVII.

(m) In Tr. de *Magia* p. 47. (n) Ad cap. XII. p. 364.

Ufus non-
nulli ex hac
tractatione
eruantur, &
tandem vo-
to conclu-
ditur,

Ufus, quos Theologia e praesenti argu-
mento suppeditare potest, in promptu sunt. Ani-
madvertimus enim hic infinitas *Diaboli insidi-
as ac fraudes* maximo studio cavendas, quippe
initio specioso divitiarum acquirendarum prae-
textu simplicioribus imponit, eosque in rete
suum, h. e. consortium & collusionem pertra-
here annititur. Quo ipso homines impru-
dentes facile a via vocationis ordinariae abduce-
re, & in periculosos anfractus ac maeandros
conjicere solet, unde vel nullum deinceps, vel
difficilem atristem plerumque vident exitum.
Neq; plebejis solum & abjectis hominibus insi-
dias struit antiquus serpens, sed interdum etiam
illis, qui supra vulgus sapiunt, inque eruditis su-
um profitentur nomen. Hos dum non raro
rerum abstrusarum ac nimis curiosarum cupidi-
tate trahi intelligit, per instrumenta sua vel li-
bros suspectos & non ubivis obvios suppedit-
tat, vel alia adminicula ostendit, quibus modo
ad summos honores, modo ad thesauros pretio-
sos adipiscendos parari aditum posse persuadet.
Fugiamus inprimis detestabilem *avaritiam*.
Quotiescunque enim homo, sorte sua minus
contentus, huic sese dedit vitio, nullum est prae-
ceptum

ceptum tam sanctum, quod non turpiter violare, nullum facinus tam nefandum, quod non, si minus aperte, clam tamen designare, nullum denique opus tam superstitiosum, vanum ac stolidum, quod non perficere audacter sustineat. Novrant thesauripetae nostri legem divinam de colendo Sabbato, & eo cum primis die, qui summum nobis in memoriam revocat beneficium, celebrando : mens procul dubio praesagiebat ipsis facinoris turpitudinem divinamque vindictam subsequituram : ipsa denique sana ratio dictitabat, superstitiosum hocce negotium, noctu praesertim susceptum, optatum nancisci successum haud posse ; illi tamen avaritiae laqueis semel impliciti, propositum suum exequi, summoque se periculo, quod & nox, qua Diabolus maxime operosus esse in impiis solet, & gelu inusitatum, & spectri comparitio minabantur, objicere non dubitabant. Pertinet huc illud

Pauli (o) de avaris : Qui divites fieri volunt, incidunt in tentationem, & in laqueum Diaboli, & desideria multa inutilia & nociva, quae mergunt homines in interitum & perditionem. Radix enim omnium malorum est avaritia. Attendamus tandem etiam justitiae DEI vindica-

K

tivae

(o) 1. Tim, VI, 9. 10.

tivae exemplum. Et si enim miseri illi thesauripetæ, credebant, in occulto mansura impia consilia, in tenebris quippe suscepta, nec de divina Nemese cogitabant in divini nominis, & memoriae sanctissimæ beneficiorum CHRISTI profanatione; tamen gravitatem supplicii experti sunt contemtores DEI, Numenque omniscium, quæ occulta fuerant, in lucem protraxit, molimina diabolica manifestavit, & superstitiosos ac perversos homines, Diabolo justissimum DEI judicium exequente, subito corripuit perdiditque. Faxit DEUS, ut, quotquot exitiosissimum hunc eventum vel ipsis suis hic oculis usurparunt, vel alibi cognoverunt, judicia divina alta mente reponant, ac prudenter juxta normam, in sacris Literis præscriptam, ubique incedant. Faxit imprimis, ut Studiosa Juventus, ad seductionem alias proclivis, insidiisque Diabolicis omnium maxime exposita, in *Vveberi* exemplum intuens, sapere, nec minus etiam prava consortia, ad vitam dissolutam ac profanam aditum plerumque aperientia, quam malas & suspectas artes ac libros, nocturnas præterea excursiones & Diei sacri profanationem cane pejus & angue devitare, divinum contra Numen revereri, in Studio-
rum cursu strenue progredi, & cum doctrina
- pietatem quoque sectari discat,

S. D. G.

PRAE-

PRAESTANTISSIMO RINNEBERGIO

SVO, CONSCRIPTAE A SE DISSERTATIONIS
EGREGIAE DEFENSORI STRENUO

S. P. D.

IOANNES CASPAR POSNER

ELOQVENTIAE PROFESSOR.

QVI per annorum iam aliquot intervalla, cum vel scientiarum sacrarum incunabula, auctoresque & fata scrutarer; vel ornate ac dextre dicendi sapientiam, in cathedra ac suggestu regnantem, & materiis ac euentibus cunctis accommodatam, publica privataque opera explicarem; & comitatus me semper, & singulari adfectu ac studio prosecutus es; facere profecto non potuisti, quin me Tibi dicissim conciliares, atque arctius paullo coniungeres. Familiaritatis igitur nostrae, mutuique amoris ratio postulabat, ut TIBI, ad laudem adeo incorruptam ac solidam contendenti, fauerem; Tuamque industriam, non in humanitatis tantum, ac rectioris philosophiae studiis, sed in diuinioribus quoque scientiis, a Theologorum nostrorum antesignano, MICHAELE FOERTSCHIO, accurate & sancte traditis, nullasque a recentiorum quorundam haeresi, errandique licentia, sordes trabentibus, praeclare enitescerem, omnibus atque acclamationibus laetis prosequerem. Cum enim infaustum illud & atrox patriae Tuae incendium fortunas TIBI ac res baud admodum amplas reliquerit; nihil a TE interea laudabilius, aut conditione ac indole Tua dignius agi poterat; quam ut praestantiores his longe diuitias, quae in virtute & sapientia sitae sunt, nec inani fulgore aut specie fallunt, neque cum amittendi timore ac periculo possidentur, Dei ac Praecepto-

rum fidelium ope, TIBI acquirereres. Prae quibus, ut opes incertas & fluxas, & cum prospera fortuna ac vita hominem deferentes, parui facere consueuisti: sic peruersa quorundam & solida ditescendi consilia atque artificia, quae a maligno genio suggeruntur, multumque ideo fraudis & malitiae habent, aeternamque non raro perniciem adferunt, reprehendere ac damnare, Tuarum omnino partium arbitris. Quam horrendum igitur ac infama flagitium, ab illius sanctissimae noctis, quae natalis obtigit Christo, violatoribus, thesauro cuidam, prope patibulum, inbianibus, sollemni-que incantantium formulae, eam in rem adhibitae, vel immortuis, vel ad ignominiam suam superstitionibus, nuperiori decembri apud nos patrabatur; tam gloriosa & utilis a TE opera, summi FOERTSCHII nostri praesidio, in disertatione hac docta & egregia collocatur; qua insanum hoc facinus atro calculo notas; actionemque cum inferis, si non apertam, certe occultam & tacitam, ab his tenebrionibus factam, recte & grauiter detestaris. In ipso autem hoc monumento, quo a thesauris fallacibus ac prohibitis animos lectorum abducis, collectas iam dudum eruditionis & ingenii opes explicas, ac sine fastu ostentas: quarum mox lucrum vberimum scholae pariter coetusque diuini, me vade & augure, facient; cum hos illasque, Dei prouidi nutu, ornabis; nec Aristippi tantum philosophi, ac Simonidis poetae exemplo, sed Tuae quoque virtutis ac scientiae argumento docebis, hominem eruditum & probum suas diuitias suo vbique animo ac ingenio circumferre. Vale. Dab. Ienae, ex museo, Calend. Iul. A. O. R. CIO IDCCXVI.



